


WIIXUTTIHA MWAHA WA MOISE

 Vaareera. Muluku ooreeriheni, Munna Neville. Mooxeleliwa, apatthani. Kihaana oweha imaara sikina wira kisuwele waarye-ene voosiisu wala ohiyu. Ahe, miyo kootteeliwa murima okhala va voosiis'ula. Vaaviha, ni vekeekhai munninaakhela voohakalala. Hiyo khanrina-tho okathi w'ephovo; hiyo nrina elimwe ni eyiita nno, kahi siiso? Sothene sinkhala ntoko ohikhala voopuroni, mwa enamuna emosa.

² Ahe, etthu ekixelelinhe, miyo—miyo kinreeriha empa. Ni kaari oolipa ni owereiwa voosiis'ula. Nto miyo kaavennyne ni okathi woohala, masi nkaasuwela wira muthiyana aarina muteko woowaata wo ovara, awo ahaana waathokiha aana araru vano nto orowa oxikola y'Ettiminku. Oh, wulu! Khasireere soovara, ovikana suupuwelaaka wira saahikhala wira evare. Nto kuupuwela, “Ahe, vano. . .” Nsana ohiyu kaavara muteko, ni—ni miyo—miyo kinkhuma vapuwani wo olaleerya ehapari. . .? . . . Wulu, kahi yoorika omphwanya namuteko? Hum! Miyo kaahikumiherya itoolare miloko miraru ni thanu khula esumana wira mutthu amukhapelele mwaana, nto khaavo aakhumelenle.

³ Mutthu mmosa aahimulepa artiiku mmosa nno woohikhala khalayi. Vekeekhai, kheniheleleya yeela. Khuhimya wira aahikhala wenno, enamuna emosa ya mulipa a poliitika wenno oKentucky, khwira wira owo aahikhala otoropani imaara piili, aahivulala imaara tthaaru, ntoko mulipa-oowiivaha, aahikhala ntoko nammuttettheni wa namwaattamanani, aahiira itthu sinci-ene, aahoopola ikumi s'anamwane aili, nto mmosa mmuraththini ni mukina mw'etthu ekina, kinooliyala sothene aarinaawe wiira. Nto vookiserya owo khuupuwela, ahe, awo ahaana okhaliha onamwaattamanani volikana, owo aarowa ooxiraana mwaha wa muteko mmosa w'anamunci-ene. Nto vairalyaawe, w'atthu ikonto emiya, aaphwannye ivootu thanu. Owo khimukoha mupiliisa sinto aamuwerya omphwanya kapwitthi a mulithi wookheriwa wira amukhaliherye okhuma wa namwaattamanani, khwira, “Yaari yoowoopiha hata okhala opooma.” Owo khaarina apatthani oophiyerya wira emukhaliherye okhuma opooma. Masi, ti siiso atthu a wAmerika anxukhurelaaya, kahi siiso? Ti yeeyo. wAmerika, vaniiraxaanyu etthu, ti vantepaanyu owehereriwa wira mwiire. Ti siiso, vanniwehereraxiwa wa nyuwo.

⁴ Ahe, kintthuna kookhomaseni voosiis'ula mwaha wa moota ekereja ekhanlyaaya yooreerela ni yoosivela. Nto vaphiyalyaaka, waahikhala mukhora vale wira waacererye ovira etthekeu. Tivo eyo ti yooreera saana, onakhaleru pani a nikhuru na maatinistaratoore va okhalihenrye otumererya yeela. Yaari yooreerela saana, ni waari muteko wooreera saana. Kinoona

wira Munna Hall, kaahivonye vale, t'oirale. Waari muteko wooreera saana.

⁵ Vano, vahooxa vakhani, masi munnisuwela moota atthu a osantu sikhanyaaya. Moone, khanrina okathi woheleliwa, nookhalana, Munna Slaughter, Munna Deitsman? [Axinna n'akina aniira, "Nnari."—Mol.] Sothene ntoko sinaakhelaahu.

⁶ Naahikhalana mithukumano sooreeraxa Okuusini wu! Masi miyo kaawenrye paahi olavula mahiku vakhani avinre. Kaahilaleerya miyeeri mixexe, soottharana, ni nkaarina nsu noophiyerya hata wira—wira kaape. Kaahaana waakwata amwaar'aka, moosuwela, etthu kaatthunaaka, ni eri ntoko. . . Vano nto nuumala yeeyo, ni kitthikelaka wenno yaahikhala ekhalelo y'elapo ela y'enamirima miili ninkhalanakaahu, (vano, oriirya nihiku nimosa nto oviha nle noottharelana), aahikiphwanya kamasi, vekeekhai a enamuna ya khalayi. Vano miyo kaahivenya, mahiku maili avinre, khupacerya—tho. Nto siiso hiyo ninnaaxukhuru vanceene Apwiya, nnakhala vo, mwaha wo oreera Waya murima wothene ni onimorela ikharari, ni—ni moota Awo ankhal'aya ooreera murima. Naahikhalana mithukumano sooreera iwe, ni Apwiya yaahinireeriha vanci-enexa, woowaatta.

⁷ Nto nsana ohiyu, voophiyaka ohiyu eriyari, Munna Wood aahikiihana owannyawe, ni Munna Arganbright mutelefoonini, atthunaka wira kipacerye oSuwiisa. Vano, ti yootepaxa wa mutthu mutokweene.

⁸ Tivo, vano, muthukumano ahu ontharelana onipacerya mahiku yeettaka muloko ni nimosa mweeri ula onrwa, oCadle Tabernacle oIndianapolis. O—oCadle Tabernacle oIndianapolis, okhuma mahiku muloko ni nimosa mpakha muloko ni mathanu. Vano nto, okhuma weiwo, orowa o—oMinnea- . . . oMinneapolis; okhuma oIndianapolis mpakha oMinneapolis, Alipa a Nakoso aKristu.

⁹ Vano kinoona wira Munna Neville aahikilikarela, ni miyo kaatthuna omoonihya yawaka. . . ohimya omuxukhurela waka owo ni nikhuru n'araru Neville jaarwiiye khukiipela woosikhani iwe, kaarinaaka musuri. Nto kaahinkelela Munna Neville; khaarina alipa-owiipa, emusi Liddick; okathi Mwenye Liddick oronwaawe Owaani Movuwani. Nto vekeekhai. . . vakhala wira mwan'awe, nkinimoona va; nto khuphiyerya osuwela ohoolo waya wira aari mwaana ookhalihwa. Osuwelaka wira atithi awe yaamookhwa, ohoopowa, aahitthimakela owaani wira akikuxe, owo ohinatthi. . . atithi awe yooponwe ehinatthi okhwa. Tivo etthu yuulupalexha mmiravo ole otonko awe wira, waari orwa omukuxa mutthu wira aavekelele atithi awe ehinatthi orowa. Nto nikhuru n'araru Neville khurwa khuwiipela voophenteyaxa awo.

¹⁰ Nto vano Munna Neville ookivekela wira kilaleye voosiis'ula ni makaaripi ala, nave. Nto nyuwo munniweha, Yolempwa enihimya wira, "Nvekeleke voowaatta wira nyuwo..." Tivo Munna Neville vekeekhai t'otthariha Yolempwa mwa itthu iyo, vanci-ene! Nto siiso miyo kinimwiira vooreera vanweryaaka.

¹¹ Vano, miyo koohimya voosiis'ula, okhalaka wira ti Nihiku na Aximaama, ni nintthuna nilavule n'a—n'anamwane axikhaani. Khoona wira voosiis'ula waamukhala okathi wooreera wa—w'axinamwane. Vano kinoona wira nihiku na aximaama...

¹² Vano, khiivo hat'etthu yoosivelaxa elapo ya vathi, ensuwelaahu, onvikana maama, eekeekhai ooloka. Muluku areerihe munep'awe woottittimiheya, maama eekeekhai, maama ooloka. Masi nihaana iranteliho sinci-ene olelo si—sinihaniwa "aximaama," ahikhanle aximaama; awo athiyana paahi arina aana, masi kahi aximaama. Maama a enamuna ya khalayi t'ule onkhapelela ethoko awe, ni khonkhala ota iwo mpaareni mmo ni mowiinani, ni ohiyu wothene, anvuraka sikaro, awuryaka, ni orwa. Owo khomphwanela nsina nlo nooreerihwa na maama. Owo muthiyana paahi, ti yeeyo tu, onimulela mwaana; masi kahi maama, okhala wira *maama* enihimya etthu yoovirikana. Vano miyo—miyo kinoona wira vakhala wira nyuwo...

¹³ Vano, wa Nihiku na Aximaama, kintthuna kilavule oratta-enexa. Kihaana maama oowuuluvala a maihi oottweelela okilanthé vale, yoomi. Nto kinoona wira, nihiku nimosa, vaareera; masi khula nihiku naahaana okhala nihiku n'aximaama, kahi nihiku nimosa paahi mwa mwaakha. Ni etthu ya itthu wiiraneyaka vano Nihiku nla na Aximaama...

¹⁴ Ni kinnoona wira niri vakhani, ni othene ninnisuwelana mmosa ni mukwaawe. Hiyo n'atthu a owaani, nto mwaha wa yeeyo ninrowaahu olavula siisa.

¹⁵ Kinoona wira maama aahaana ottittimihiwa khula nihiku vamosaru, ti yeeyo, maama eekeekhai. Nto, masi nihiku nla nnihaniwa Nihiku na Aximaama, khanihiyo hat'etthu woohikhala ethiru ya nakoso, wira ewaakhe musurukhu atthu. Ni iwo ohittittimihiwa wa maama, Nihiku na Aximaama, emaara emosa khula mwaakha, "Ahe, hiyo khaninrowa omoona, masi ninoonveleliherya nikuttha naamukhaani na maluwa nto eyo ennimaliha mwaha." Owo kahiyo maama! Muluku aka! Maama eekeekhai ti muthiyana nyuwo... ole ooleneni, ni nyuwo munnimphenta, ni munnimoona ni munnilavula ni yoowo okathi wothene. Nyuwo munnimooniherya omphenta wanyu okathi wothene, kahi nihiku nimosa paahi mwa mwaakha.

¹⁶ Masi kihinatthi opacerya olavula yookhumelela aka yaamukhaani, kaatthuna kihimye ela, ni kuuluule... Amosa-amosa a nyuwo, anci-ene a nyuwo ahookhwa, anci-ene aya aarowa okhuma okathi ela epaceriwaaya. Waari 1933.

¹⁷ Muhoona mpapheloni mwa ihapari ohiyu vakhani ovinre weiwo muthiyā'ole aamwiiivalyaawe mulopwan'ole? aamurihenle-awe mukaraaxeni mwawe khunvira vasulu imaara sinci-ene ni ekaarō awe mpakha omunyakatta othene vathi. Nto yaahimmwe wira, a—alapeli ni siiso, yiirale, “Eyo khenoolamulani muupuwelo anyu?”

Owo khwira, “Muluku ni miyo ninoophweeleya mwaha wa enamuna athiyana aneetteliwaaya.” Huh! Ayo, owo muluku a ethiru. Ti yeeyo. “Okhala oophweeleya.” Enamuna xeeni elapo ela ekhanlyaaaya wiikhalihaka vathi? Mpakha vayi nikhanlyaaahu omalelaka nihikhalanne olamula wa Muluku, kinniikoha? “Muluku ni miyo”? Muluku aakhanle oottheka mwaha wa ithiru sothene siheliwe mwa Yoowo, Owo khaarowa okhala Muluku, ti yeeyo tu. “Muluku ni miyo”? Wulu! Muluku khorina naata ni yeeyo. Kinniikoha okathi owo onrowaawe okhala wu moohaaxiwani, onrowa wuupuwelela sayi yeeyo nto? Oh!

¹⁸ Amerika! Vano muupuwele, mwaira muhilempe, mulepe. Nno ohimya waka s'ohoolo. Munnona? Mwaakha wa 1933, okathi waakhalanakaahu miteko s'okokhorela nno weiwo ya khalayi, kookupali wira Ekereja ya Kristu eri weiwo vano, yaari ya khalayi. . . Yaari wenna nno, Munna Neville, ephiro ela y'ohitto. Charlie Kern aakhalaka weiwe. Exeeni. . .Empa ya ikwaasuni nno Ephiro Meigs. Mwaakha wa 1933, miyo kaammalaru omuthuma Ford a 1933, nto miyo kaahinvahererya w'Apwiya voosiis'ule. Nto, kihinatthi okhuma owaani, kaahoonā yoowoona. Koolepa, vapapheloni ya ncano ya khalayi nlelo kilipelelaka mBibiliani. Kaahoonā okathi wa wookiseryani orwaaka.

¹⁹ Nto, nyuwo, akavi anwerya wuupuwela mootā yaaryaaya ekaarō ottuli wu mwaakha wa 33? Oh, yaakhalaka ntoko yookumiheriwa ota so, ni yoorakama ottuli waya, yoothokoliwa wira evareleke epenewu yoosukiwa. Miyo kaahoonā yoowoona, wira, “Ohinatthi ophiya Orwa w'Apwiya, wira ikaarō saarowa okhala ntoko nooce.” Akavi anuupuwela ehimeryo eyo s'ohoolo? Oohala mutthu va? Munna Seward oorowa. Ni kinoona wira. . . Waari 1933 okathi waakhalanakaahu okokhorela va. Kinoona ntoko wira othene aya aarowa vano, okhuma okathi uwo.

²⁰ Nto miyo kaahihimya, wira, “Amerika, muluku aya oopacerya yaarowa okhala athiyana.” Ti yoowo okhanle. Itthu sothene sintthara mihapo sa oHollywood. Kihaana itthu silempwe sa mw'artiikuni a FBI saarowa woosankihani paahi—woolelani paahi, nipuro. . .Ni itthu sookwattula sa aratti ala a isineema, kuuvo hata mmosa, voorika, ohikhanle namuttompe. Nto FBI oolaleerya eyo naanaano. Miyo kihaana eyo mw'artiikuni mwaya yaawo. Nto siiso othene aya ekhalaka, hata aratti ala a isineema, vaavo owo oonihenryaawe, wira yaanirwa ni waakuxa, ekhalaka n'alopwana, mwaha wa itoolare miloko miili ni thanu ni miloko mithanu ohiyu

umosa, khula mulopwana, nno ni nno, oHolywood ni mapuro othene, yaahikhalana mampa oomeekha ni alopwana mpaani mme memmo yaaveleeliheryaaya atthu ala. Ni ti yeeyo hiyo eniwehaahu, televisawu, ni—ni nno muteelani mu ni itthu, ni waahiya an'ihu wihana yeeyo muluku eethiru. Vano nto omwiihana owo *maama*? Ori ottaiwene wo okhala maama. Iwo onanarasa. Vekeekhai. Nnakhala vo awo ankhalaha ethharihelo ya nihiku. Hiyo ninaahiya . . . muthinto wa ikuwo anwarasaaya, mwaawehe athiyana a wAmerika ewaraka ntoko yaawo, ni sothene. Khweeli. Nto muluku a wAmerika muthiyana. Kahi Yehova; awo ahihuluxa Eyo. Nkinimuhimya *maama* vano, vano muhiye eyo epante aya, eyo etthu yooreerihwa ninrowaahu olavula; masi kinimuhimya *muthiyana*.

²¹ Ni, muupuwele, miyo kinihimya s'ohoolo wira ohinatthi orwa ohononiwa wuulupale woomalela, kihinihimyaaka wira Apwiya arookileela ela, masi kinnaamini wira enookhala etthu enrowa okhumelela eriyari ya naanaano wala okathi yoowo mwaakha 77. Pooti orwaaka ewoora yeela. Masi eriyari ya naanaano ni 77, Kinnihimya s'ohoolo wira opwetexiwa wuulupale wala ohononiwa woomalela wa elapo yothene, eriyari ya vano ni 77.

²² Miyo kaahihimya, mwaakha wa 1933, kaahihimya wira athiyana yaamutthikela ehikhalanaka olakeya ni elapo yaamutthikela emoraka, ni wira awo yaamutthikela empharelelaka maama, ahiiso maama siiso, mpakha awo okhala, muthiyana okhala muluku a ethiru. Nto nuuvira okathi vakhani, wira, "Amerika aamurowa ohooleliwa ni muthiyana." Mulepeke moone yahaakhanle siiso. Muthiyana onookhala nipuro na Mukhulupale wala etthu, ya yuulupale, oweriya wuulupale wAmerika.

²³ Okathi, kinihimya ela ni nttittimiho, ahano, muthiyana akhumaru nipuro onaapeiwa, owo ookhuma vopuroni vawe. Ti yeeyo. Owo t'ukhanle opuro awe. Woohiya yeeyo, owo khorina opuro. Nto vano, miyo nkinaaliperya murima awo, masi miyo kinihimya paahi ele ekhanle Ekeekhai ni ele Bibilia . . . Yaakhalaka wira mulopwana taari muru wa vatthokoni, masi eyo yaari mahiku a Bibilia. Owo kahiyo-tho. Owo mwaatteepea, wala owo e . . . wala nlela-mwaana wala etthu. Nto vano, nnari, awo anthuna yaakhapeleleke alapwa, otthara ikhottiheryo sa mayarelo, n'umukuxa mwalapwa mwaamukhaani mmiyoononi mwaya okathi wothene, wira eweryeke weettasa pure ohiyu wothene.

²⁴ Miyo ki—miyo nkinimuhimya maama. Muluku aareerihe. Ti yeeyo enkhalaha elapo yo wiiwanana vano, nuusu, ti maama eekeekhai, ooreera murima, ooreerihwa, oowoopoliwa ni Muluku. Ti yeeyo.

25 Masi wuuliha muru wa moota athiyana ahu ahononeiye-aya! Kookhalana artiiku a epaphelo ya ihapari, kithikilenlyaaka nuumala Ekhotto ela yookiserya ya Mulaponi, ya neenli, aahimya wira, “Oronwe vayi olakeya w’athiyana a wAmerika, wira, vakhanlyaaaya miyeeri mithanu na mosa ilapo s’okhopela, axexe w’anatoropa athanu yaahimwalana axaar’aya, ni yaatheliwe ni mulopwana mukina?” Ni hata khiyaawenrye waalipelela awo otthika ilapo s’okhopela, anatoropa iwe ekhwaasaka vapuwani va ekhotto! Mutthu oniira yeeyo kahiyo oophwanela wiihaniwa maama, nsina nlo nooreerhiwa. Nnari, kahiyo. Tivo kweekwe kiiiihaniwa “nwanani a athiyana,” masi nkihiyo. Kinoona wira muthiyana etthu yooreera saana, vanci-enexa, maama. Masi awo ahaana okhala vooপুরoni vaya kahi okuxa opuro wa mulopwana, ni kahi okuxa opuro wa Muluku.

26 Nto voosiis’ula kaahiiwa ekereja ya moowaaryani yiiraka, wira, “Maama onruma ittheneeri sa Wirimu,” ni sothene iya. Kinniwerya waatthokelela aKatolika emwiirelaka yeeyo harus Maria, n’akina siiso, yeeyo, waakokhorela axithiyana akhwiye, Sesiliya Owaarya ni othene siiso, yeeyo ekhanle enamuna yuulupalexa yo olapela minepa. Ti yeeyo tu. Etthu p’itthu enlapela n’alipa-okhwa onkhala olapela minepa. Tivo, ori Mulapeli mmosa paahi eriyari ya Muluku ni mutthu, nto owo ti Kristu Yesu. Ti yeeyo. Khuuvo santu mukina, hat’etthu woohikhala Pwiya Yesu Kristu ti Mmosa paahi Yoowo okhanle Mulapeli eriyari ya Muluku ni mutthu. Masi koonaka ikereja, hata ottuli w’epulpitu, ni owaarya wothene okumihwiwa mwa Kristu n’uvahiwa maama, okumihwiwa ekhalelo yothene ya owaarya, vano—vano awo anoopacerya nto eyo vo.

27 Tivo, masi ookhala maama eekeekhai onihala. Avuwihwiwe Muluku! Siiso ntoko mwaamoonaka namirima miili; ookhala muKristu eekeekhai ontthara makhalelo vekeekhai. Vankhalaniwa ekupalelo, yookhala ekhottiheryo. Eyo eekeekhaii voolikana. Nto vano, eyo ti enamuna ya maama ni enamuna eyo ya mwaana, nintthunaahu olavula vano mBibiliyani.

28 Vano kinniikoha, aximiravo akavi ni axiruusi nrin’ahu va voosiis’ula? Vakhala wira moomwiiwa prokrama a Munna Neville nsana...Aximiravo akavi ni axiruusi yaatthuna orwa va ekilaathi vakhaterani y’ohoolo okathi onlavul’aka ni nyuwo? Mwaamutthuna orwa nno? Nookhala nimosa, maili, mararu, maxexe, mapuro mathanu va; nimosa va, ari mathanu na mosa, ni ikhatera sikhaani nno. Mwaamutthuna orwa ohoolo, amosa-amosa a nyuwo anamwane munwerya orwa muhikhanle n’amaama, mwaatthuna orwa nno? Murweeke! Aximaama anrwa...[Munna Neville oniira, “Aakhala-tho; anci-ene aya musaala mwa exikola ya Ttiminku.”—Mol.] Oh, awo arisa musaala mwa exikola ya Ttiminku. Ahe, ti yooreera. Ninoolipelela minuutu vakhani, nto ninoolavula, ni awo anookhumasa muhina mwa minuutu vakhani. Nto

ninimwaathukumanya nno, a maitho makhaani, ooriipa, ookhwila, ooripelela nno, ni—ni ninoolavula ni khula mmosa a awo. Vano, akavi anaaphenta Apwiya? Mwiire, “Amen.” [Muthukumano oniira, “Amen!”] Vaareera.

²⁹ Vano kintthuna kilavule n’aximaama ni anamwane, nto ela anroiheleliwa yaawo.

³⁰ Ohiy’ula, Apwiya yatthuna vale, kintthuna kilavule mwiiriirya woopacerya Yesu aapanke-awe, ni moota waapakiwaaya, ni n’uwerya xeeni, ni etthu Owo aairalyaawe okathi Owo opanke-awe Wawawe. . . Akavi ansuwela mwiiriirya woopacerya Owo aapanke-awe? Mulavule, othene vamosa: “Aatatunxe maasi khukhala eviinyu.” Ti yeeyo, mwiiriirya woopacerya Owo aapanke-awe. Vano, Apwiya yatthuna vale. Okathi waasomaaka, voosis’ula, eyo yaahirwa mmuruni mwaka paahi.

³¹ Kinnoona wira nookhalana mpatthani ahu ooreera murima, Mwenye ni Muhano Yeker ottuli iwe, kookupali, voosis’ula. Kirimwiira oowaaweha paahi kirukunuwelaka nripu epant’ila. Nihiku nlo kaahimwaleiwa; kihaana okhala oomwaleiwa mwaha wa muteko wa ilapo s’okhopela. Nto, kikhumaka, kikumana ni Mwenye ni Muhano Yeker, ekilaanthanse-ene mukonsultooriyu—mukonsultooriyu.

³² Dr. Schoen, oLouisville, munna mmosa muKristu ooreera murima saana. Kinimooleelani, tthiri kaahikumana ni mutthu eekeekhai iwe, mmosa eekeekhai onimwaamini Muluku ni onihela nrromelo awe vaavo. Moosuwela? Kinimooleelani. Miyo kinnaaphwanyaxa matothoro anaamini ovoniha wa Muluku waavikana alaleyi. Ti yeeyo. Mulavule ni yaawo. Khwira, “Vekeekhai.” Nto okathi owo. . . Okathi waarowaaka okhuma, owo khukivara ntata naka, owo khwira, “Munna Branham, nyuwo munniwiirelaxa atthu ovikana kaarowaaka okhalakhala kiiraka.” Owo khwira, “Ti yeeyo.” Khwira, “Nyuwo munniwerya waakhaliherya atthu hata kahaakhanlyaaka waakwannayaka.” Khwira, “Ti yeeyo.”

³³ Miyo khwira, “Ahe, vekeekhai, nyuwo pooti ottottha, wala omara exeesu nikhuva, wala etthu ntoko yaeyo. Masi Muluku t’ovoniha.”

³⁴ Owo khwira, “Eyo eekeekhai.” Amen. Oh, okisivela owoona atthu a muupuwelo wootaphuwa, atthu a otthokelela wooreera. Kinnuupuwela operasawu, ni mameetiku, ni olooliwa wa muthana, ni olooliwa wa makhuva ni mitika, ovoniha wa Muluku, ni sothene, yakhala emosa wa seiyo enwerya omukhaliherya mutthu, miyo kinneemererya. Nto nyuwo mwaamoonaka meetiku onimuulumela mulaleyi; mulaleyi omuulumela meetiku; ni namaloola makhuva omuulumela—omuulumela mulipa onoooperari; mulipa onoooperari omuulumela meetiku; munoowerya otthokelela ela, wira nookhala niwoko no

wiisoono nipuro nlo. Ti yeeyo, okhala wira khula mmosa a awo ohooniherya wira onnimukhaliherya mutthu. Eyo ekeekhahi volikana.

³⁵ Vano etthu ene t'ila, miyo kinoona wira, mawoko ahu yakhalaru ooloka, ni murima ahu okhala saana mwaha w'atthu, nihaana othene ovara muteko vamosa wira nimukhaliherye mukhwiihu, okhaliha makhalelo ookhweyaxa. Nto vo mawoko anyu anookhala oohiisoono, munvuwihaka Muluku Ole onvaha itthu sothene mahala-ene. Amen. Ayo, mulopwana. Oh, khivaatthuneya hiyo okhalana hata erala emosa hata nipuro; ehaana okhala volikana-ene.

³⁶ Oloola wa muthana waaweeryaka omukhaliherya *ola*, ni oloola makhuva omukhaliherya *ola*, wooperari omukhaliherya *ola*, ni etthu ekina omukhaliherya *ole*, nrowe nivekelele sothene iyo, amen, wira Muluku aakhaliherye atthu Awe oophentiwa okhala saana ni ootteeliwa murima. Okhala wira, hiyo khanrina okathi munci-ene w'okhala mu, mahiku vakhani paahi nto ninookhala mphironi, ninrowa nipuro nikina. Tivo emphavelaahu wira okhaliha makhalelo ookhweyaxa wira nwereyeke okhala okathi wooreeraxa muryeene mu. Amen.

³⁷ Vano vootthariha muupuwelo yoola, nrowe nuuramihe muru nihinatthi omukhunla Bibilia, ni nilavule ni Moopoli ahu oophenteya.

³⁸ Tith'ihu, a Wirimu ooreera murima, hiyo nnoorwa vowiyeviha voosis'ula Ohoolo Wanyu, ni ninnooxukhuruni Nyuwo mwaha wa Pwiya Yesu Kristu, vasulu va itthu sothene sitonko okhala mulaponi, wala sinrowa okhala. Tthiri, Owo ti Ole omuruuhale mutthu ni Muluku okhala vamosa, ni onaataaninhe hiyo anamuhaawi ni oohiphwanela, amalapo ootakhala, oomurakamela Muluku, mwaha—mwaha wo othanla wahu, yoochi, hiyo nikunxe ethanlelo ahu ni khwiirakameliha Yoowo. Ni Owo ooreera murima orwa, ni okathi waaryaahu oohisivela wa Muluku, okathi waaryaahu anatampi, oomurakamela Muluku, Owo khunaataaniha n'Atithi, mwaha wo omwaraxa Ephome Awe Yoowo.

³⁹ Moota nnooxukhuru-ahuni Nyuwo mwaha wa Yoowo! Nto olelo onikhala ntoko Mulapeleli, Mmosa paahi eriyari ya Muluku n'atthu, Yoowo onwerya wiiriha mavekelo ophiya Ohoolo wa Muluku, vaplataforma va Ephome Awe Yoowo omwaranxawe okhuma vathi mpakha Movuwani. Aarwiye elapo ela mwa enamuna ya nikhoma, ooyariwa mwaalyelya inama. Khukhuma mulaponi, aviraka muhukhumuni wo wiiviwa. Elapo khiyaamutthuna Owo. Erimu khiyaawerya omwaakhela, okhala wira Owo aari natampi, Owo aahikhalana itampi sahu mwa Yoowo. Elapo khiyaamutthuna Owo. Awo yaahimukhootta, "Mmurakamele Mutthu uwo!" Owo aahikhala hata...hata nipuro wira ayariwe-vo, wala nipuro n'okhwa-vo. Nto Owo

aathomeiwe eriyari ya Erimu ni vathi; Erimu khiyaawerya omwaakhela Owo, nnakha elapo ya vathi omwaakhela. Nto Owo aahikhwa, nnakhala vo, wira onoopole mwa etampi, ovoniha eretta ahu, wira anivahe ohakalala ni okhala woophenteya niryeene elapo ela ya vathi. Moopoli xeeni! Oh, moota onooxukhuru-ahuni Nyuwo mwaha wa Yoowo!

⁴⁰ O Muluku, khula okokhorela wa murim'ahu okhale wo wooniheriwa wa Yoowo, ni Yoowo paahi. Khula nttittimiho ni khula okokhorela, sothene sinkhuma muyanoni mwahu wala murima, siheliwe wa Ole omphwanela sothene, Ole aakilaanthe Veehicensi nihiku nimoso, ni Eliivuru mmatatani mwAwe. Khaavo mutthu Wirimu wala elapo ya vathi aari oophwanela hata oweha Eliivuru, wala otaphula Ikanyeryo saatthuka Yeeyo. Nto Mwaapwittipwitthi ula aaviwe, epattuxiwaka-ru elapo, aahirwa, khukuxa Eyo mmatatani mw'Awe, khutthukula Ikanyeryo khwaataphulela ma—Masu, athhu.

⁴¹ Nto, Tithi, hiyo ninnivekela olelo wira Erooho Awe Yoowaarya etaphule mirima sahu mwa epiphi yothene, etaphule nluhi nahu mwa yothene ekhanle yootakhala, elevelele itampi sahu sothene, ekumihe epiphi yothene, ni ekele mmurimani mwahu voosiis'ula.

⁴² Ni vanci-enexa anamwane ala axikhaani, Muluku, mwaareerihe vakilaathans'aya va voosiis'ula n'aximaama aya oophenteya. Muluku, moota nnoxukhuru-ahuni Nyuwo mwaha w'omaama, wa athiyana eekeekhai! Variyari va epiphi yothene ela ni waakokhorela amuluku eethiru, ni soonanara ni ohononeya wa olumwenku, nlelo nihaana aximaama eekeekhai, ooloka. Moota nnoxukhuru-ahuni Nyuwo mwaha wa yaawo! Amiravo n'atokweene, vamosaru, ninnooxukhuruni Nyuwo, Tithi, mwaha w'omaama w'eekeekhai. Nto hiyo ninvekela, Muluku, wira Nyuwo mwaareerihe.

⁴³ Niwoonaka, anci-ene w'axinn'ihu alopwana n'athiyana akilaanthe va voosiis'ula ewanre-ene ithutu sooteela ahiiso maluwa ooteela ni ithutu, enihimya wira amama aya oophenteya ni oowaarya aalapuwela epantte ekina ya ekuwo, epantte ekina; kahi ookhwa, masi akumi voohimala-tho. Nihiku nlo anookhuruwela, omurathini, nave, nto iwe anoowerya owoona-tho, epantte ekina. Anci-ene awenre ithutu sooxeerya, amaama nlelo ari vaava. Hiyo ninnooxukhuruni mwaha wa yeeyo.

⁴⁴ Kinvekela wira Nyuwo munireerihe vamosa okathi onsom'ahu Masu Anyu, maana hiyo ninvekela mwa Nsina na Kristu. Amen.

⁴⁵ Vano Apwiya yooreeriheni. Nto ninrowa olukama Masu voosiis'ula. Vano, voopacerya, ehinatthi yookhumelela ela yaamukhaani, kihupuwela mwaha w'aximaama ni axinamwane...Nto alakela awo anookiiwa, okhala wira

etthu ila erina nsu vanci-ene. Ni kinrowa wooniherya yookhumelela yaamukhaani, okhala wira kinniwehaka vano mmitekoni mwaka s'okokhorela, imaara sikina sookhumelela sinnikhaliherya vanci-ene. Khamunuupuwela siiso? Axikhaani anniiwa saana. Kinaaweha aximiravo aili, a maitho oowaarya aakilaanthe, ekiwehaka miyo vano, anrowa okhala axilopwana a meelo wakhalaru meelo.

⁴⁶ Nto vano nihinatthi okhalana yookhumelela, wala etthu p'tthtu ekina wiiraneya mukereja, ehaana okhalana mulipiheryo wa Bibilia. Amen. Ehaana okhala mulipiheryo wa Bibilia. Yoopacerya, nrowe othene nikhunle mwa Matewu, kapiitulu 16 versiikulu 25, nto ninrowa osoma iversiikulu iya. Yoopacerya, nisomaka, niilikanyihaka, khino okathi ene yoowo axikhaani aniira akhumanse-ene. Vano Matewu 16:25, ninsoma ela:

Maana ole ontthuna woopola ekumi awe enoomurimeela: ni ole ompweteiwa ekumi awe mwaha wa miyo onoophwanya-tho.

⁴⁷ Vano, ela ti Yoolempwa emosa yuulupale saana. Nrowe othene nisome yeeyo vamosa. Munihimya exeeni? Atthu othene, anamwane axikhaani ni othene, vamosa vano. [Munna Branham ni muthukumano ansoma Yoolempwa entharelana—Mol.]

Maana ole ontthuna woopola ekumi awe enoomurimeela: ni ole ompweteiwa ekumi awe mwaha wa miyo onoophwanya-tho.

⁴⁸ Moosuwela, aximiravo ni axiruusi, ni koosuwela wira aalweene enimwaasivela yeela siiso ntoko anamwane. Masi, Yoolempwa eyo ti yuulupale saana! Nto Soolempwa kamosa-kamosa ti suulupalexa Muluku onihelaawe mwa Ihapari sooreera xexe sothene: Matewu, Marku, Luka, ni Yohani. Masi, ela yaari yuulupalexa mpakha Owo ohenlyaawe imaara thanu na mosa Muhaparini yooreera! Imaara thanu na mosa ela ekhumme muyanoni Mwawe Yoowo, Yesu.

⁴⁹ Vano mwa Marku, ninrowa okhunla vaavo, kapiitulu 8 ya Marku, nipacerye versiikulu 34, nto kinoosoma vakhani vaavo. Ni kintthuna wira nwehe-tho va, ni otthikela vakhani paahi wa yeela vaavo Yesu olavunly'awe. Ni muupuwele, Owo ohenle imaara thanu na mosa Muhaparini, wira ekhale yookupalihwiwa! Piili onamoona, masi Owo ohenle imaara tthaaru yeeyo, moone, wira ekhale yookupalihwiwa wira muupuweleke.

Nto owo aahitthana—owo aahitthana muttitthi wa atthu wa yoowo ni awiixutti awe nave, khwaahimeerya wira, Akhala ontthuna okitthara miyo, aikhoote mwaneene, . . . okapatte mwiikimanyo awe, okitthareke.

⁵⁰ Vano, mmosa wa ataphuleli ohenle, "Akuxe mwiikimanyo awe okitthareke Miyo khula nihiku." Vano, vano eversiikulu 35. Nwiriyan:

Maana ole ontthuna woopola ekumi awe enoomurimeela; masi ole ompweteiwa ekumi awe mwaha wa miyo ni ehapari yooreera, yoowo onimooopola.

Nto mutthu omphwanyani, waakhela olumwenku wothene, nave khumpweteya munepa awe?

Wala ontthuna ovaha exeeni wira aakakhanye ni munepa awe?

⁵¹ Vano nrowe nikuxe eversiikulu ila 35 nihimye yeeyo vamosa vano. Vaareera. Vano nrowe nihimye vamosa. Ninrowa omukuxa Marku 8:16, vano nrowe nihimye vamosa; Marku 8:16, mukilevelele, Marku 8:16, 35. Nnari, nlelo kaahivonya. Marku 8, mukilevelele. Marku, Marku Oowaarya, kapiitulu 8, versiikulu 35. Vano nrowe neehererye. Marku Oowaarya, kapiitulu 8, versiikulu 35. Vano noophwanya. Nrowe nisome. [Munna Branham ni muthukumano ansoma Yoolepwa enttharehana—Mol.]

Maana ole ontthuna woopola ekumi awe enoomurimeela; masi ole ompweteiwa ekumi awe mwaha wa miyo ni mwaha wa ehapari yooreera, . . . onimooopola.

⁵² Kahi yoothamaleya? Vano, ninookelela ohoolo ni wahala ahu mwaamukhaani, nto anamwane jaarwaaka anookuxa mapuro aya. Anamakhaliherya yaawehaweheke awo, voomaleleya . . . moone sinto munooowerya waaruuha nno, okathi onimooniheryaahu wahala ahu. Ninrowa olipiherya yeela, voosiis'ula, vasulu va yookhumelela. Ni miyo, imaara sinci-ene, nno mahiku vakhani avinre miyo . . .

⁵³ Munna mulopwana ni Munna muthiyana Wood jaarisa ni miyo, kookupali, iwe omuthukumanoni wookiserya, nto miyo kaalavula woolyaani wa voosiisu w'Alipa a Nakoso aKristu. Nto kaahimooniherya wahala mwaamukhaani a Sakewu mu. . . mmuraleni, ni, okathi Yesu ovinryaawe, ni moota owo aakuxalyaawe elaatha ya ikokhola, moosuwela (nto khutumererya), ni khuwela mmwirini wira omoone Yesu; mulipa a nakoso okilaanthi-ene mmwirini, moosuwela, omwiipithaka Yesu. Ni yaakhala ntoko, Yesu wira khaasuwela vatthu vaaryawe, nyuwo munnisuwela. Vano nto owo khwira, "Oh, kinileeliwa wira Mulopwan'ole onnisuwela ithu ni onniwerya ohimya khalayi ene ithu, ni aahisuwela wira ehopa yaahikhalana musurukhu wa nluku. Miyo nkinaamini." Nto Yesu aavira mukhitte mwene mwa mwiri. Nto owo khwira, "Oh, Owo khonwerya okoona, miyo kikilaanthi mmwirini."

⁵⁴ Yesu aaheemela khuweha osulu, khwira, "Sakewu, mukhuruwe." Kahi wira aasuwela paahi wira owo aari osulu iwe, masi Owo aanisuwela wira aari pani.

55 Nto kinoona wira yookhumelela yaamukhaani imaara sikina ennaakhaliherya etthu aalweene, aximiravo aalupale ni aximwali, siiso ntoko amwaavano.

56 Nto vano khino nyuwo munookikoha, ela yamararu, “Munna Branham, mumphwanya vayi ehapari ila ya atthu ala ni masina?” Akina wa awo, kinkhaliheriwaka ni mpatthani aka ooreera murima, Munna Booth-Clibborn. Nto akina, ni Josephus, nahantisi muulupale. Vano nto iliivuru sa wahala seiyo miyo kinsomakaaka, sa yookhumelela ela, ni sikina. Nto ti siiso kimpchwanyaaka ihapari saka wa ele enrowaahu wooniherya mwa yookhumelela voosiis’ula, ya yeela.

57 Kinnoona wira axikhaani ahu anookhuma vano, ni wa wahal’ola voosiis’ula hiyo ninrowaahu omooniherya. Vano nyuwo aximiravo ni axiruusi, mwawerya vale, othene ale antthuna, murwe ohoolo nno. Nihaana mapuro mathanu wala mathanu na mosa oohikhal’etthu. Mwatthuna vale orwa mpakha nno, ninootteeliwa murima wookhalanani. Awo anoorwa m’okathi wa yookhumelela yaamukhaani va.

58 Nto vano ti siiso kimpchwanyaaka ehapari ila, moota omphwanyaaka. Mutthu pooti okuxa etthu va ni vale ni wira, “Ahe, miyo nkinatoko osoma nipuro nlo mBibiliani.” Masi, mwahaasomme, ehantisi yaahilepa, moone. Tivo yothehe ehantisi emosa, yoohimmwa paahi mwa enamuna ya e—yo—yookhumemelela yaamukhaani.

59 Nto, vano, ti yeeyo! Ti yeeyo! Owo ti muhim’anyu? Oh, owo vekeekhai t’olattana ni nyuwo! Ni owo mmiravo mmosa ooreera murima. Onnooneya wira ti siiso. Vaareera.

60 Vano muntthuna orwa okilaathi va? Aakhala axiruusi anli, kiireke axiruusi araru. Wulu, ti yooreera saana! Vano kintthuna... Wahal’ola mwaamukhaani voosiis’ula ta wa axiruusi n’aximiravo. Mwamuthiyana Collins, kookupali wira ti nyuwo vo, ni muhima mukina; munnitthuna orwa vale, oophentiwa, mukilaathi. Ayo, kookupali wira wookhala opuro va, muhano owo aarowa—aarowa orula murupa awe. Vano—vano nto vaava *va* aakhala mapuro maili va.

61 Kinaatthuna aximiravo ala othene ni axiruusi ohoolo nno, wira kilavule ni yaawo. Va, hiyo nookhalana ikhatera kamosa-kamosa va. Ninnoona wira nyuwo mookuxa ikhatera kamosa-kamosa. Ayo, mulopwana. Sikina saya sinoonikhaliherya va. Tivo, nintthuna wira sikhale paahi s’aximiravo ala ni axiruusi. Oh, wulu! Eyo kahi yooreera? Vano ti... Kookupali wira mwaahaana okhalana sikina-tho, Munna Neville, kinniwoona akina-tho erwaaka. Nto vano eyo ti yooreera!

62 Aximaama akavi ari mu? Nvenxe ntata nanyu. Oh, eyo ti yooreera! Vano, eyo ti yooreera saana.

63 Vano nyuwo axiruusi ottuli mwaatthunaka orwa nno, murwaaseke, mwannuwa vale voophiyerya wira mwaarakamele

amaama. Ni amaama yathhuna wooruuhani nno, ahe, mwaaleele arwe. Ti y'amaama, nave. Vaareera, vano.

⁶⁴ Kinimooleelani, anamwane, ninoomalaru osoma eversiikulu emosa. Mwaamutthuna nyuwo othene ohimya yeeyo ni miyo? Mwaamutthuna nyuwo othene ohimya eversiikulu ila ni miyo? Vano, eyo emphwanyaneya mwa Matewu Oowaarya, kapiitulu 16 versiikulu 25, etthu enrowaahu olavula. Vano akhaani ala... Khula mwammiravo ni mwaaruusi, voosiis'ula, ohimye ela ni miyo vano: [Amiravo n'axiruusi anootthikela nuumala Munna Branham—Mol.] Mwiire, "Matewu Oowaarya, kapiitulu 16, versiikulu 25." Vano muhimye ela miyo: "Maana ole onthhuna woopola ekumi awe enoomurimeela; ni ole ompweteiwa ekumi awe mwaha wa Miyo onimoopola." Onimoopola. Nrowe nihimye-tho: "Ole ompweteiwa ekumi awe mwaha wa Miyo onimoopola." Vooreeraxa!

⁶⁵ Vano, amiravo n'axiruusi, moosuwela? Sookhala itthu sinciene molumwenkuni vekeekhai sikhhanle soofayi. Nto emosa wa itthu iyo ti, mookhalana ni nyuwo olelo, ti munepa ori muhina mw'erutthu iyo. Nto eyo ti etthu yoomalela ofayi molumwenkuni, wa nyuwo. Eyo ekeekhai, maama? Mwiire, "Amen." [Aximaama aniira, "Amen."—Mol.] Etthu yoofayixa murin'anyu munep'anyu. Nto vano nyuwo mwaahivahererye munep'anyu, weeso onoorowa woopweteyani. Ni mwapweteiwa munep'anyu, nto munoorowa woopola; mwapweteiwa-ru munep'anyu wa Yesu, moone. Mwa moolumo makina, nyuwo mwamwaaminiru Yesu, munikhala mwiixutti Awe. Vano nto nyuwo mwanvaharu ekumi anyu Yesu muri mmiravo siisa, vano nto munoorowa o...Owo onoorowa woopolela Ekumi ehinimala. Masi nyuwo mwa—mwaahitthune ovahererya, munoorowa opweteiwa yoowo; ayo, munoopweteiwa. Nyuwo mwatthunaru wira ntoko axiruusi ala akina ni aximiravo nno, n'ukhuma ni wira ntoko awo aniir'aya, vano munoorowa—muno—munoorowa opweteiwa yoowo. Masi mwatthunaru onvaha ekumi anyu Yesu, vano munoorowa woopola wa Ohimala ni mahiku othene.

⁶⁶ Vano, muupuwele yeeyo vano, wira owo ti etthu yoofayixa molumwenkuni mothene, munep'anyu mwaamukhaani. Nto mwaahivahererye, munoopweteiwa yoowo; mwanvaharu Yesu, munimoopola. Nyuwo munoowerya ohimya yeeyo ni miyo? Vakhala wira...[Amiravo n'axiruusi anootthikela nuumala Munna Branham—Mol.] Mwiire, "Kaahivahererye, onookipweteiya; nto miyo kanvaharu Yesu, kinimoopola." Ti yeeyo! Vano muhiwa saana. Eyo kahi...

⁶⁷ Aximaama othene anupuwela wira ti yooreera, yiire, "Amen." [Aximaama aniira, "Amen!"—Mol.] Oh, ti yooreera! Ti yooreera.

68 Vano, moone, yookhala etthu emosa mukhanly'anyu wiiraka. Vano, mwiireke. Awo yatthuna wira siiso, ni okhalana sootthuna saya sa molumwenkuni. . .Amiravo n'axiruusi yatthuna okhumela iwo ni wira itthu, ni wootha ni ohimya itthu siri soovonyeya, ni—ni owoka ni wiiya, ni—ni wira itthu soonanara, ni otakiha oxikola, ni itthu yireke; awo anoopweteiwa. Awo anoopweteiwa. Masi nyuwo mwanvaharu Yesu, khamunrowa wira yeeyo, vano nto onimooopola. Ti yeeyo munrowaanyu otthuna wira. Kahi yeeyo?

69 Vano ninrowa ompacerya wahala ahu mwaamukhaani. Vano, owo ti mulipiheryo ahu, vano muupuwele yeeyo. Vano nrowe nimpacerye wahala ahu mwaamukhaani. Vano, w'atthu a khalayi, ni wa a—axitiithi n'aximai, nyuwo nwiriyane, nave, vano; nyuwo, vanci-enexa nyuwo aximai ni axitiithi. Vano paahi. . .nto ninoopacerya. Annoosivelani awahala axikhaani? Annoosivelani? Oh, miyo okisivela! Vanci-enexa vano. . .Nyuwu munnisoma ihandisi sinci-ene sihikhanle ekeekhai. Masi wahala ola ekeekhai, Ekeekhai voomalela, khula Nuulumo na yoowo. Ori mBibiliani mwa Muluku, tivo ohaana okhala Ekeekhai, moone, okhala wira Awo Masu a Muluku. Masu a Muluku ti Ekeekhai.

70 “Vano, moosuwela,” khwira, “Nkireere okhulumuwa. Miyo—miyo ki—kinihalela okhwa mwaha wookhulumuwa.”

71 “Ahe,” khwira, “muhinwelelani murowa mwarupa? Mwampaathi voolilini, vakhaterani yoorakama vale, murowe mwarupe.”

72 Owo khwira, “Masi, oh, nkireere okhulumuwa.” Owo khwira, “Oh, oophentiwa, moonaleru etthu koonaly'aka olelo! Oh, miyo ka. . .Miyo, etthu. . .Hata nkinthuna hata olya ohiy'ula! Oh, ti yoowoopiha, yookhumelela koonalyaaka olelo!”

Khwira, “Ahe, yaari exeeni iyo moonalyaanyu?”

73 Khwira, “Ahe, nkinwerya wooleelani, ohoolo w'anamwane, oh, khereere woopiha! Wulu, yaari yootakhala!”

“Ahe, yaari exeeni iyo moonalyaanyu?”

74 “Ahe, miyo kinoowela karupe vakhani paahi, vano nto—vano nto nalyaaru naaroiharu anamwane orupa, nto kinimooleelani etthu ekhumelenle olelo.”

“Vaareera,” owo khuhimya.

75 Nto owo khuwela. Khummaathi. “Oh, ookhulumuwa saana! Oh, wulu!” Nyuwu munnisuwela moota apaapa ankhal'aya yakhulumuwa vale, okhulumuwa saana!

76 Nto nuuvira okathi vakhani, mwaaruusi a maitho oowaarya, khupacerya otthimaka nno ni nno, n'ulavula aituperyaka vakhani. Khwira, “Sh-sh-sh, sh-sh-sh, muhiireke siiso. Munimwaavenxa apaapa. Nto, oh, awo khareere okhulumuwa mpakha—yaahalelaaya okhwa. Awo khayaatthuna-tho okhala

mukumi. Nto apaapa yakhulumuwa siiso, ahe, nihaana waahiya orupa vakhani. Muhaavenxe.” Nto Miriyamu mwaamukhaani, khurowa khukilaathi, khumaala.

⁷⁷ Nto nuuvira okathi vakhani owo aahilikanyiha yoolya, vano khuwela exikatta murima-murima owo khu—owo khuwiihana, “Amerami?”

⁷⁸ Nto awo khwira, “Ayo, Yokepeti, va. Kinookhuruwa.” Vano awo khukhuruwasa, moosuwela, vano yaahilya yoolya yoooreera.

⁷⁹ Vano vaamanlyaaya olya ohiyu, ni mwa—mwammiravo ni mwaaruusi khulya yoolya aya yothene, vano, awo... amaama khuttottelasa itthu sothene ni khwaaroihasa orupa.

⁸⁰ Vano nto awo khuvolowa okatthi, awo ni aiy’aya, nto khukilaathisa. Khwira, “Ahe, vano, yaari exeeni iyo moonalyaanyu olelo, Amerami, yookhalinheni o—ookattiyamiheya vanci-ene ohiy’ula, mwahatthunaanyu hata okhala?”

⁸¹ “Oh,” awo khwira, “oophentiwa, miyo—miyo nkinwerya osuwela saana.” Owo khwira, “Miyo koonale... Ahe, hiyo ninnoonaka khula nihiku, masi vanci-enexa olelo.” Khwira, “Oh, miyo—miyo koonale yookhumelela yowoopihasa kitonko aka wona.” Khwira, “Amiravo ahu oohaawaseya, amosa-amosa wa awo oohivikana iyaakha muloko ni piili, epurulasaka evakawu ile yuulupale, ni mikhoyi muxikoni mwaya *siiso*. Nto anamwane ale oowooniha othunku yaahipurulasa mpakha vahaaweryaaya-tho, ewelelaka etturu ile yuulupale, maluku ale maalupale ottuli iwe, ni khayaaweryasa orowa-tho. Nto nuuvira okathi vakhani evakawu khupacerya owerettetta ni orowa vakhani-vakhani, ni nuuvira okathi vakhani eyo khweemela. Mulopwana mmosa khurwa mphironi, oh, owo aahivahuwa! Owo khupwapwa, ‘Muneemexeryani evakawu ila?’ ‘Wham!’ ni mirepettho iye suulupale wootthanvwa, ni aarepetthulaka ottuli, ni ephome yaanivuuva ottuli waya, ni okhwalala *siisaale*. Nto anamwane ale oowooniha othunku khuvarela mukhoyi ula khunla.” Khwira, “Oh, Yokepeti! Niireke-ni maama?” Khwira, “Hiyo n’atthu a Muluku. Muluku oonireeriha. Hiyo n’ana a Abrahamu, Isakhi, ni Yakope. Nto xeeni naakhanlyaahu okhalaka ipottha nno wa itthu iya? Oh, ti woowoopiha moota aximiravo ale oohaawaseya yaanlalyaaya. Oh, ni miyo kinnivekela ni kinnivekela ni kinnivekela Yokepeti, nto enkhala wira Muluku hata khonikiiwa. Kinnivekela ni kinnivekela, nto Owo onkhala ntoko onookhootta wiiwa, Owo khonikiiwa hata vakhani. Onkhala ntoko wira Owo khoncaliwa-tho.”

⁸² “Vano,” owo khwira, “nwehe, Amerami, khenkhala wira ti nyuwo. Nyuwo mwa tiithi eekeekhai, ni nyuwo... Eyo khenkhala ntoko nyuwo, okhala wira okathi wothenne munninilipiherya hiyo, munileelaka wira nimwaamini Muluku.”

83 “Oh, masi, oophentiwa, kaavekelaka vanci-ene, nnakhala vo Muluku khuhinakiwa, ni khunakhala ntoko yootepa okathi wothene. Vanvekelexaaka, enootepa.”

84 Masi, aximiravo ni axiruusi, Muluku onniwa mavekelo? [Amiravo n’axiruusi aniira, “Ayo.”—Mol.] Owo onniwa mavekelo. Muluku onnaakhula mavekelo? [“Ayo.”] Ayo. Owo onnaakhula vowaakuvaxa? Kahi okathi wothene. Vowaakuva? Nnari. Imaara sikina Owo onninilipeleliha. Eyo ekeekhai? [“Ayo.”] Masi, Muluku onnaakhula mavekelo, khonaakhula? Nto okhala paahi wira sothene sinkhala soovonyeya, kahi ethoonyeryo wira nihaana ohiya ovekela. Ninoothikela nivekelaka paahi, nnakhala vo, khaninthikela? Ti yeeyo. Vano, muhaakhula oratteene. Muluku onnaakhula mavekelo. Nihimye hoothe vamosa. “Muluku onnaakhula mavekelo.” Ayo. Voohicala sookhumelela xeeni, Owo onnaakhula, nnakhala vo. Vaareera.

“Ahe, munoowela mwavekele-tho?”

85 “Ayo.” Nto apaapa yaahikhalana esaala yowiipitheyaya vasulu vamwaampani awo yaarowakaaya ovekela. Vano awo yaahiwela iwe ohiyu ule, khukokhora epante aya, khwira... Vano awo khwira, “Yokepeti, vano nyuwo murowe mwarupe, nyuwo n’anamwane. Okhala wira, muhikihaaxe, kinrowa ovekela khino ohiyu wothene olelo.”

86 Vano owo khukokhora, khuvekela ni khuvekela. Kinnimoona ovenxa matata awe, ni wira, “O Muluku a Abrahamu, Isakhi, ni a Yakope, mmuupuwele natiri Anyu wa atthu Anyu! Hiyo nri nno wEjitu nno, ni hiyo ninkhala mw’epothani. Ni, oh, makapataasi ahu a—annikhanyererya wira itthu, ni enimanaka, ni atthu ahu oohaawa an—anruliwa ikuwo, ni annimana ni mirepettho. Ni hiyo n’atthu Anyu. O Muluku, vekeekhai Nyuwo munimwiiwa mavekelo! Vekeekhai Nyuwo munimwaakhula mavekelo! Ni miyo kinoovekela ni kinoovekela ni kinoovekela, nto enkhala ntoko Nyuwo hata khamunikaakhula. Masi, Muluku, miyo kinnaamini wira Nyuwo mwa Muluku, ni vookiserya munimwaakhula mavekelo.” Nto owo aahivekela siiso, ntoko ohiyu wothene.

87 Nto voosiisu aya, ewoora yoophiyaka ya neeraru wala xexe, owo khukhuruwa ixikatta sikhaani. Nto owo khuweha, vale yaari amwaar’awe akhaani oophenteya, Yokepeti mwaamukhaani. Awo yaari voollini vale erupaka. Nto Aroni mwaamukhaani ni Miriyamu mwaamukhaani yaahipwehiwa wira erupe, vano awo yaahirupasa saana ntoko saaweryaaya, erupasaka. Vaareera. Owo khuwiirela...Owo khwira, “Vanootepe wiila, nto nyuwo munkhala...”

88 “Ayo, koovekela ohiyu wothene.” Maitho awe yaarina maithori, okhala wira owo aahiwunlela atthu.

89 Nto owo khwira, “Nkawehani, Amerami, muhitepiheke eyo.”

90 “Vano,” owo khwira, “mwiiwe, oophentiwa. Ti yooreera. Masi vano nkawehani, nyuwo mookhalana aana aili wira mwaalele va. Ni muritti ti wawaka. Mutthu aahaavekelele athu ahu oohaawaseya, exeeni enrowa owiira? Exeeni enrowa wiiraneya mutthu aahikhalane athu vamurimani? Ohaana okhala mutthu onvekela.”

“Ahe,” owo khwira, “Amerami, muritti khuhiyo wothene wawinyu.”

91 “Ahe, onkhala wira ti wawaka. Nto mwa khula enamuna, miyo kinoorowa ovekela, nnakhala vo, okathi wothene!”

92 Aahirowa omutekoni nihiku nle. Ni khula nihiku owo aanrowa n’utthika, ni muteko yoole mmosaru wa khalayi. Ni owo aarina muteko woolipa. Owo aahaana o...Awo yaamwiitthela alukamasa mmiphimoni suulupale, ni owo aahaana weemela vakhiviru va tuukuttha vale muulupale. Okathi aahuliwaawe, oh, wulu, aahala okhera nikhuli nawe, oviha iwe woowoopiha! Owo aapurulela itixolu iye mme n’upaha, ni okumiha; wira sipakiwe iphiro suulupale, ni anamukattha aalupale ni oorakama, a amuluku eethiru ni sothene. Nto mulopwana ola muKristu eekeekhai iwe anvarelaka muteko siiso, nwanani. Masi owo aari epottha, owo aari mw’epotthani. Aahaana wira.

93 Khula ohiyu waaphiyaawe owaani, owo aanivekela. Ni aaniwela-tho ixikatta, ni ovekela ni ovekela ni ovekela, n’ukhuruwa. Khiyaareera; yaamutthikela etepaka.

94 Nto nihiku nimosa omutekoni owo aahiiwa yoovuwa yoowoothiwa. Khwira, “Exeeni iyo? Exeeni iyo? Kileeliwe!” Mutthu mmosa khumwaapela mukina. Nto nuuvira okathi vakhani, nihiku nihinatthi omala, elapo yothene yaahisuwela, etthu yaarowa wiiraneya.

95 Yaari exeeni? Ahooleli yaarowa othukumana ohiyu yoole. Mwene mutokweene Farawo, mwene mutokweene ootakhala aarowa waathukumanya athu awe, ni okhalana muthukumano mukina muulupale. Vano awo yaahikhalana muthukumano ola muulupale iwe.

96 Vano ohiy’ule owo aahivolowa, oh, owo aari othene oowiiniwa murima. Owo aahivolowa, nto amwaar’awe khwira, “Amerami, oophentiwa,” awo yaamphwannye vamukhora khumpecari, nto khwira, “Yoolya anyu y’ohiyu ti yoosiva ni yooviha. Masi,” khwira, “oophentiwa, khamureere ovolola. Mulattu ene xeeni?”

97 Khwira, “Oh, Yokepeti, nyuwo mwaasuwenle paahi eniiraneya! Oh, ti yootepa vaahinatoko aya!”

“Exeeni?”

98 “Sh-sh, nkikhanle ohimya, anamwane ari vakhiviru. Mulipelele mpakha nimanle-ene olya, nto kinimooleelani.”

“Vaareera.”

⁹⁹ Vano, owo aahilikanyiha yoolya. Nto yaahilya, khwaakuxa anamwane othene khwaahela voolilini.

¹⁰⁰ Vano, khuvolowa. Owo khwira, “Yokepeti, kintthuna kooleleni etthu.” Khwira, “Emosa wa itthu sootepaxa otakhala siniiraneya.”

“Exeeni?”

¹⁰¹ Khwira, “Awo anrowa okhalana muthukumano mukina olelo, ohiyu. Nto awo yaira vale, anrowa onihelela muritti mukina mwa hiyo.”

¹⁰² Tivo, nto, nirowe empa ya mwene. Mwene Farawo onimwaaroiha othene iwe, ni wira, “Vaareera, nyuwo makhulupale a anakhotto othene! Exeeni eniwiirani va? Miyo kinihimya malamulo va! Atthu ala animwaacerereya okathi wothene! Mulattu ene xeeni? Khaninwerya weemexa yeela?” Khwira, “Nihiku nlo onimoorwa muttitthi mukina wa anakhotto mu. Nto awanan’ihu ala othene, a oKoseni iwe, aIsarayeli ala, animwiitakanxa ni muttitthi ula wa anakhotto, nto awo anoonixintta. Ni ekhalanelo ahu ya masurukhu yuulupale enoohoneya, omwene ahu muulupale onoopwetexiwa. Awo anooniwerya. Exeeni eniwiirani? Mutthu, alavule! Khamunsuwela etthu y’ohimya?” Oh, owo aari ootakhala, ni ootakhala saana. Makhulupale othene a anakhotto, yaamuthukumelasa.

Mmosa aya khivenya, khwira, “Ekumi yoolekela wa Mwene Farawo.”

“Ahe, muhimyeke naanaanoru!”

¹⁰³ Khwira, “Ekumi yoolekela wa mwene. Eyuulupale anyu, mulopwana,” owo khwira, “Miyo kaatthuna wira nyuwo mwaavahe-tho miritti atthu.”

¹⁰⁴ “Weyo namalosowa! Nyuwo muhaahelela miritti sinci-ene atthu, nnakhala vo awo animwaacerereya. Vano, nyuwo, awo yakhala akhili othene murin’anyu, mwiisukerye mmansinyu!” Oh, owo aari oowali.

¹⁰⁵ Nuuvira okathi vakhani mmosa khivenya, ni otheya wuulupale wiitho wawe, ntoko xetwani. Nto owo khwira, “Ekumi yoolekela wa Mwene Farawo.” Khwira, “Kihaana muupuwelo mmosa.”

Khwira, “Ahe, mulavule! Muhikhale vaavo siiso!”

¹⁰⁶ Owo khwira, “Kinimooleelani etthu mwaakhanlyanyu wira.” Khwira, “Moosuwela, atthu ala animwaacerereya voowaakuva saana.”

¹⁰⁷ “Ayo, ti yeeyo!” Khwira, “Akina aya, amosa-amosa wa atthu aya hata ahaana aana aniphiya muloko n’axexe, imaara sikina awo aannikhalana aana miloko miili. Ni atthu ahu khino kharina

hata mmosa.” Khwira, “Awo animwaaacerereya voowaakuva, awo anoomwaramwareya elapo yothene.”

¹⁰⁸ Moone, Muluku aira etthu. Moone, Muluku okathi wothene onnivirikanya xetwani, moone. Munnona? Owo onnisuwela etthu oniiir’awe. Munnona? Ni athiyana ala othene ekhalanaka aana anci-ene.

¹⁰⁹ “Vano,” owo khwira, “ekumi yoolekela wa mwene. Ahe, miyo kinimooleelani etthu. Khula okathi muthiyana onimuyaraawe mwaana mulopwana... Mukhumele mmuttettheni nno mwaakuxe athiyana kamosa-kamosa ahi... ahikhanle aximaama. Moone, athiyana ahinatoko okhalana aana, athiyana ahinaatthuna aana ni ahinaaphenta aana, akhwiri oorakama iphula. Moone, arakamaxaru ephula, vaatepa oreera! Ikatha soorakama, wiitho woopintariwa, mwaakuxe yaawo. Awo khansuwela exeeni ekhanle ophenta wa maama. Tivo nto aayariwaka mwaana mulopwana, vano, awo eroweke yamukuxe mwaan’owo mulopwana, emukumiheryeke ota n’umanela muru awe vaxirini, emurihele mpaani w’ame awe siiso. Emurihele veehimyeni yuulupale. Oh, vooreeraxa-tho, emukumiherye vate etthuke matat’awe ni inawu, emurihele, ni enenevihe ikonya. Ti siiso enihuluxiwaaya eyo. Vano awo khanrowa waacerereya vanci-ene, okhala wira khanrowa ohala alopwana; yahiwiivasa aana alopwana othene.”

¹¹⁰ “Oh,” Farawo oniira, “eyo ti yooreera! Owo muupuwelo wooreera!” Munnoona etthu xetwani okhanly’awe? Owo t’otakhala, kahi siiso? Khwira, “Vano eyo t’itthu yo wira! Murowele... Mookhalana... Vano, okhala wira mwaahikhalana muupuwelo owo, kinimookhalihani mulipa-owehaxaxa a yeeyo. Mukhume mwaakuxe athiyana othene oowuuluvala munaasuwelaanyu, ahi—ahinatoko okhala aximaama, ni ahinaaphenta anamwane. Nto awo t’a...” Awo...

¹¹¹ Moone, onthuneya okhala maama wira amphenteke mwaana. Munnuupuwela moota amaama yoophentaayani? Ahe, vano moone, maama onnaaphenta anamwane attutthu.

¹¹² Masi awo yaahaana omphwanya mutthu a—awo yaha... ahaarina aana, ahaatthuna aana, paahi—paahi—athiyana paahi oowuuluvala saana ni ootakhala murima. Ni khwira, “Mwaakhalihe mapiliisa. Nto mwaakhaliha mapiliisa, mwaarume wira eweryeke ovolowa khula etthoko awo antthunaaya, ni omukumiha khula ttutthu n’ummanela vaxirini, ni onvaha ikonya wira simukhuure. Khula ttutthu!” Oh, otakhala murima zeeni! Nto moosuwela etthu yiiralyaaya?

“Vaareera, eyo ti yooreera!”

¹¹³ Nto mmeeloni mwaya okathi Amerami aaryaawe wu avaraka muteko, owo aahiiwa wira etthu ile yaahilaleeriwa.

¹¹⁴ Oh, owo khurowa owaani. Owo khwira, “Oh, Yokepeti! Oh, oophentiwa, mukihye kooleleni etthu. Moosuwela mwaha

wa xeeni eworti ile, ehimeriwaaya? Wira yiiwiwe axinamwane othene attutthu alopwana.” Nto owo khimuleela. Khwira, “Oh, nkinwerya ovilela tu.” Owo khurowa-tho osulu, wira avekele. Ohiy’ule owo aahivekela ntoko sahaatonko awe khalayi.

¹¹⁵ Nihaana otthikela nivekelaka? Oh, mutthikele nvekelaka! Kahi siiso? Mutthikele nvekelaka paahi, hata wira eniireya exeeni. Mutthikele nvekelaka!

¹¹⁶ Vano, nto vawenhe-awe, owo aahivekela ohiyu wothene, “O Muluku, mmoriwe ikharari! Mukhaliherye, Muluku! Hiyo ninvekela wira Nyuwo munikhaliherye mwa enamuna emosa.” Owo aakhurunwe, nsuwa nikhumakaru.

¹¹⁷ Nihiku ti nihiku, ni, oh, eyinlaseyo xeeni mulaponi mothene! Khula nihiku awo yaaniwiiwa aximaama ekhuwelaka, nno ni nno mphironi. Awo yaanaakuxa an’aya mmoononi mwaya, axikhaani aya, aximiravo axikhaani ni oowaraala. Akhwiri ale atokweene yaamurowa yaanvolowa mme ni, waavara inawu saya sikhaani, ni waarihela vaxirini ni owiivasa, ni waarihelela ikonya. Maama oowooniha othunku aamukokhora, ni oxonttela, “Oh, muhimukuxe mwan’aka! Muhimukuxe mwan’aka!” Nto, oh, moota yaahaawasaaya!

¹¹⁸ Moosuwela moota maama onimpheentaawe mwaana, ni moota omphiteerih’awe muru awe veereruni. Munnuupuwela moota amaama yookuxakaayani ni—ni woorapihani, ni woopecarini, ni—ni—ni yaahimyaaya moota mwaaryaanyu ooreera. Ni moota awo yoopwehaayani murupaka ohiyu. Ni, oh, vakhala wira—vakhala wira nyuwo mwa . . . mukhora mmosa mukhaani wahuleya, ovira ettheke vakhani, etthu ntoko yeeyo, oh, wulu, owo aamutthyawa aakuvaka khuwala mukhora, khimukhuneela mwanamwane, nto, moosuwela, aammukuxa. Awo yaannoophentani. Munnona? Awo yaannoophentani. Oh, awo yaaniphenta etthu ile yoowooniha othunku Muluku aavanhe-awe, yaari yoohiisaakiha ni khiyaawerya wiikhaliherya tivo awo yaanimphenta mwaan’owo. Ni yaanaapecari axaana aya ni yaanithweela ni yaawo, okhala wira owo aari maama eekeekhai. Munnona?

¹¹⁹ Masi athiyana ala oowuuluvala yaawiiva anamwane, khayaasuwela exeeni yaari ophenta wa maama. Awo khayaari aximaama. Sothene suupuwel’aya, awo khayaareere othweela, mmuruni mwaya, itthu sa molumwenkuni, nto yaanivolowa ni owiivakasa anamwane ale axikhaani. Nyuwo khamwereere oyeva wira musuwele, masi nlelo enniiraneya. Ti yeeyo. Vano nyuwo aalweene munnisuwela enihimyaaka. Ti yeeyo, khereere eyo! “Oh,” nyuwo muniira, “Miyi nkaakhanle omukuxa . . .” Masi ohonona erukulu etthu emosaru. Vaareera, masi moone awo khansuwela ophenta wa maama exeeni. Vano nyuwo moosuwela enihimya’aka kaahimyaaka “aximaama eekeekhai”! Ti yeeyo. Khevirikanne; xetwani mmosaru! Vano iwe, nto, awo . . .

Nkuupuwelani paahi ikonto ivaara ikonto ivaara ikonto sene, khula mwaakha, yootakhala ntoko yaary'aya wEjitu, wala yootepa.

¹²⁰ Nto iwe, vano, awo yaanivolowa, awo khayaarinasaphenta wa maama, tivo yaanaakuxa anamwane ale axikhaani ni owiivasa. Oh, eyo yaahitthikela etepaka etepaka. Nto nihiku nimosa khurwa mawoowo makina, yaarowa okhalana muthukumano mukina.

¹²¹ Farawo khuwiihana anamiruku awe othene vamosa, awo, othene aya vamosa, khuphiya iwe: khwira, “Vaareera, awo nlelo animwaacereya! Ninrowa wira exeeni vano?”

¹²² Mutthu ene yoola, mulavilavi ni ooweepeesa a wiitho wa xetwani, aahivenya. Owo khwira, “Ekumi yoolekela wa Mwene Farawo. Kookhalana muupuwelo. Nkawehani, axilopwana anvara muteko. Nyuwo munnaapakaha ttukuttha a itixolu, soowaatta khula nihiku, awo annipaka ni malaxi. Nyuwo moowiivakasa a—anamwane axikhaani ni itthu, masi awo nlelo animwaacerereya. Etthu murinaanyu wira, waahela athiyana evaraka muteko, nave. Mwaahelaru athiyana wira evare muteko, vano awo khanrowa . . .” Vano, nlo khanihiyo nipuro na muthiyana. Nnari. Tivo awo yiirale, “Masi mwaahelaru athiyana evaraka muteko, mwaahelaru iwe, ni waapakiha itixolu, nave. Vano nto awo animooceya yaaphiyaka, awo—awo khanrowa owerya waapeya yoolya y'ohiyu ya aiy'aya, khanrowa owerya okhala maama oophwanela, moone. Nto tivo awo yarowaru ovara muteko ni otthikela siiso, vano awo—awo khanrowa owerya wira. Tivo, mwaahela evaraka muteko, nave.”

¹²³ “Ti yooreera! Wulu, nyuwo mwa musuweli.” Tivo owo aahaahela athiyana othene evaraka muteko.

¹²⁴ Nto va onoorwa ti Amerami owooniha othunku, khuphiya ohiy'ule, khwira, “Oh, Yokepeti, miyo nkinsuwela enrowaahu wira. Vano awo anaahela athiyana othene wira evareke muteko. Ki—kinimooleelani, oh, nkinsuwela yo wira! Hiyo na—hiyo na—hiyo paahi na . . . Hiyo na ipottha, ni ninookhala nitepaka khula okathi. Miyo—miyo kinoohimya ela khalayi ene: Muluku aphiyerya—ru onirela etthu hiyo, enrowa okhala hiyo othene nimanle-ene okhwa.”

¹²⁵ Vano, Muluku khonlipelela siiso, onnilipelela? Nnari. Muluku onooniweha paahi imaara sikina, kahi siiso? Vaareera.

¹²⁶ Tivo nto ohiy'ule, owo khwira, “Miyo kinoowela kavekele ntoko sihinatoko aka ovekela khalayi!”

¹²⁷ Vano, eyo t'inamuna yo ovekela, kahi siiso? Nveleke ntoko sihinatoko anyu ovekela khalayi, mukuxe ni murima wothene! Moone, nyuwo mwawelaru paahi ni wira, “Pwiya, mmureerihe *Lexe ni lexe*,” Muluku kho—khoncaliwaxa ni yeeyo. Masi nyuwo mwakuxaru ni murima wothene! Nyuwo aximiravo ni axiruusi mwaavekelaka, nvekeleke vekeekhai! Munniira yeeyo oxikola?

Nyuwo—munnivekela Muluku wira ookhaliheryeni oxikola? Mwa—mwaarowaka oxikola, muhinakumiha ilepelo sooreera saana, nvolowe mwiire, “Muluku, miyo—miyo kintthuna wira Nyuwo mukikhaliherye.”

¹²⁸ Nyuwo munnivekela? Aximiravo akavi ni axiruusi anvekela? Munoonihe matata. Oh, ti yooreera. Vano, eyo ti yooreera. Muhaana nipuro noowiiptheya munrowaanyu ovekela, vaavo amaama ni apaapa hata ahinwoonaayani? Munnivekela siiso? Nyuwo—nyuwo khamunvekela siiso? Mookhalana nipuro naamukhaani, munkhumaanyu murima-murima n’uvekela, ni ovekela nivekelo nanyu naamukhaani. Nyuwo munnivekela khula ohiyu muhinatthi orupa? Mwavenya vale voosiisu, n’itthu siiso? Oh, ti yooreera. Aximiravo akavi n’axiruusi akina (nvenxe ntata) anvekela? Mpaani mothene. Oh, eyo kahi yooreera? Ahe, vano, ti yooreera. Eyo enooniherya wira murina maama eekeekhai ni paapa oniwiixuttihani wira itthu iya. Vano, vano mwakhalana etthu yoothunaxa, vanreera nvekeleke vaxariya. Khamunakhalaneke?

¹²⁹ Vano, vale onrowa, ti Amerami mwaamukhaani. Oh, wulu! Owo khaatthunne yoolya ya ohiyu. Owo iirale, “Yootepa otakhala. Wulu!”

“Oh,” owo khwira, “muhaana olya ohiyu, paapa.”

“Nkinwerya, Yokepeti. Nkinwerya. Miyo—miyo. . .”

¹³⁰ “Oh,” khwira, “masi munoovukuwa erulelelelo, ni muhuukhuwa, ni muroovolola wiitho wanyu. Nyuwo munoorapheya yoolya anyu, n’itthu.”

¹³¹ “Oh, nkisuwela etthu yo wira! Masi,” owo khwira, “oophentiwa, aahikhale mutthu oniwoonela othunku atthu, aahikhale mutthu onaavekelela atthu, ninrowa wira exeeni? Ninootepa. Vekeekhai, mwa okathi mmosa, Muluku onimwiiwa!”

¹³² Ayo, ti yeeyo. Ti yeeyo. Muluku onimwiiwa. Mukuxe ni murima wothene ni mukhale vaavo!

¹³³ Oh, ekwaha ela owo aawenle voovirikana. Vawenlyaawe exikatta ekwaha ela, aahikokhora, khuvenxa matata, khukhuwela, “Muluku, miyo kinlavula ni Nyuwo vano!” Amen. Okuxaka ni murima wothene! “Muluku, Nyuwo muhaana maaru, ni munniwerya wiiwa. Nyuwo muhaana maithe, ni munniwerya wona. Nyuwo muhaana muupuwelo; Nyuwo munnisuwela Masu Anyu. Nyuwo munnimusuwela natiri Anyu. Miyo kinnooxonttelani, Muluku, nwehe vathi va, Nyuwo mwa Muluku a Abrahamu, Isakhi, ni Yakope, vano atthu Anyu ari mooxankani, ni awo anookhwa. Muniirele etthu, Muluku! Nihaana wookhalanani Nyuwo vowaakuveya! Nihaana wookhalanani Nyuwo, ahiiso ninoopweteya. Nihaana wookhalanani Nyuwo. Ninnoophavelani tu, nakhalaru.” Owo p’ukathi munvekelaanyu vekeekahi. Oh, owo aahivekela!

134 Moosuwela, imaara sikina atthu yaavekelaka, awo annikhulumuwa. Kahi siiso, amaama ni atiithi? Oh, ankhala ookhulumuwa saana! Munna Branham imaara sikina onnikhala ookhulumuwa saana kinahalela ohileya karowaru ovekela okathi munci-ene; kinkhala oovolola, kinkhala kihilyaaka, ni itthu, mwa mahiku; ni ovekela ni ovekela ni ovekela, ni olaleya. Ni kinniphiyerya nipuro noohalela, ohileya. Ni imaara sikina atthu annikhala siiso. Owo kuhiyo okathi woohiya. Mutthikele! Muluku onimwaakhula! [Munna Branham ommana vapulpitu imaara tthaaru—Mol.] Ayo, mulopwana. Mukhale oolipa! Ayo, mulopwana.

135 Tivo owo aahiwela, ixikatta sikhaani soowerettetta. Ni kinniwerya omoona Yokepeti waattama, ni wira, “Oh, Amerami, muhi. Oophentiwa, miyo—miyo kookupali . . .”

136 “Vano, Yokepeti, nkawehani, nyuwo mwa ooreera, oophenteya . . .” Owo aari maama, ooreera mwaamukhaani oophwaneliwa. Vano owo aahimpecari wiitho, moosuwela, khummana *siiso*. Khwira, “Vano, maama, mutthike mmuhele Aroni ni—ni Miriyamu voolilini. Nto miyo kinrowa owela kavekele. Nto vano, mwakiiwa vale kinlaka, muhiwele.”

137 “Ahe, masi, Amerami, munrowa wira-ni, oophentiwa? Muri ntoko ookhwa.”

138 “Ayo, masi miyo—miyo kookhalana muritti wa atthu vamurimani vaka. Kihaana wira etthu. Kihaana okokhora. Nto siiso atthu othene . . .” Owo khwira, “Olelo, olelo paahi, vanikutthani va itixolu, miyo kaari weiwe, kaakhala kiiraka, ‘Ahe, tthiri, Muluku onimwiiwa!’ Nto mulopwana mmosa muulupale mutokweene khurwa, khuhela matata awe muyuununi, khwira, ‘Owo onrowa wiiwa liini? Owo onrowa wiiwa liini? Munnoona hata moota atthu ankhalaaya ooriipiwa murima? Awo ankhala oonvirikanya Muluku, okhala wira annivekela khuvekela ni khuvekela, nto hat’etthu khuhiiraneya. Ni ola aahivekela khuvekela ni khuvekela, nto hat’etthu wiiraneya. Nto anamukuttho othene anihimya wira, ‘Mahiku a miiriirya aavira, nto etthu emosa paahi nikhanlyaahu wiiraka owiwelela makapataasi ala a khalayi anaakokhorela apakawu, ahiiso amuluku apakawu, ni sikina. Nto niireke exeeni?’” Masi owo khwira, “Masi kinnimwaamini Yehova! Amen! Kinnaamini wira Owo nlelo onnaakhula mavekelo!”

139 Munnaamini yeeyo? [Muthukumano oniira, “Amen!”—Mol.] Munnaamini? Amen! Othene anyu munaamini yeeyo, mwiire, “Amen.” [“Amen.”] Nlelo onnaakhula mavekelo! Vaareera.

140 Erutthu ekhaani yootteetheya, yoopweteiwa elemelelo yowaatta. Owo khunawela ixikatta soowerettetta, khuphiya iwe khukokhora. Owo khwira, “O Yehova!” Oh, owo aahivekela ntoko sahaatonko awe ovekela khalayi! Owo khwira, “Yehova, nkawehani va! Nyuwo mwa Muluku eekeekhai. Hiyo ninnaamini

wira Nyuwo mookhalana maaru. Hiyo ninnaamini wira Nyuwo mookhalana maitho. Ni Nyuwo munnisuwela itthu sothene. Ni hiyo ninnaamini wira Nyuwo mwa Muluku a aHeperi, nto hiyo n'atthu a natiri. Hiyo ninnaamini wira Nyuwo munnimaliherya Masu Anyu." Khwira, "Nkaaweheeni apakawau ala va, moota anrumeelaaya muteko ahu vookhweya-vo, ni opaka iphiro suulupale ni amuluku a ethiru, n'itthu sothene. Nyuwo, Yehova, Nyuwo mwaamukilaathi Wirimu ni waahiya apakawu oruma vasulu Vanyu? Kinoona wira nnari." Amen!

¹⁴¹ Miyo nlelo kinaamini wira Owo khonaahiya! Amen! Okathi xetwani onkelaawe, Muluku nlelo Mulukuu! Ekeekhai! Owo khonrowa waatthuniherya axetwani ala wira yeeyo. Kookupali wira, olelo, okathi muhapo ni ithiru, ni ilolo iya sothene siniiraneya; nnakhala vo, Muluku nlelo onniruma ni Owo nlelo Mulukuu! Khweeli! Ommutthunaahu mutthu ntoko Amerami, orina muxikili vamurimani, onrowa okhala vale avekele mpakha waakhela, mpakha Irimu otthukuwa iwe, Muluku okhuruwe ni aakhule mavekelo. Amen.

¹⁴² "Vano nwehe va," owo iirale, "Muluku, Nyuwo munimwaahiya apakawu waanyemula atthu Anyu siisa? Isumana ni miyeeri ni miyaakha soovira. Hiyo ninnivekela voohihiyererya, ni maithori, masi...[Nipuro vahiitthu mufiitani—Mol.] O Muluku, Nyuwo munootthuniherya etthu iyo?"

¹⁴³ Kaatthuna kisuwele olelo, okathi attuutthu imiya sene anriheliwaaya mmiratthini ni mulittini, ni ohitthuniheriwa okhala, ni myiha so ohonona erukulu ni itthu sothene siniiriwa; O Yehova, Nyuwo munootthuniherya etthu siiso okelela ohoolo? [Munna Branham omanne vapulpitu imaara thanu na mosa—Mol.] Olelo, okathi wiskhi ni saravexa, ni makhalelo a ohiyu, n'itthu sothene, sinkhuwelelaaya. Ni hata ipulpitu sikhanyaaya sootteettheyaxa mpakha anoovaaya ohimya etthu. Yehova, Nyuwo munootthuniherya ethiru iyo otthikela yiiraneayaka? Owo onimwaakhula nihiku nimoso. Oh, oviruwa Wawe ti wowoopiha waarwaaka. Ayo, mulopwana. Athiyana anookhuma n'ukhaliha niitho na ttuutthu aya khanakari, mo wiitthela-mo ettuura, n'itthu sothene. Ni atthu anaakuxa attuutthu aya n'urowana musalawu mwa asaravexa, axiruusi ni aximiravo anikilaathi, a miyaakha mithanu na mosa wala mithanu na miraru, ewuryasaka, ni itthu siiso. Vano elapo elikanyihaka ni malamulo, ni, "Eri saana." Oh, wulu! Enooniwa wira Yehova khonoona eyo? Okathi, hata anaatheyayaya atthu akhanle saana ni Muluku. Itthu sothene iya siiraneayaka, enyemulaka. Mukhalele nthiti, mutthikele mukhalelaka nthiti paahi! Yehova onimwaakhula. Muhixanke. Vaareera.

¹⁴⁴ Nirowe ohoolo vakhani. Hiyo ninimphwanya osulu iwe avekelaka. Nto aahikhulumuwa saana, mpakha wumpaathi. Owo aahivekela mpakha omorela vathi. Khaawenrye otthikela,

vano owo aahihisila vakhani. Khuyenya. “Exeeni eniiraneya? Nkawehawehani va! Waarya iwe onikhuma woowi? Oh, nwehe, eemenle-ene vale vanloothoni.” Vale naaphwanyaneya Nlaikha, xoowa Aya othomeiwe-ene vale mpararini Mwawe. Oh, owo khuweha-tho, khuttikittha maitho awe. Owo khukokhora, owo khwira, “Pwiya, oh, exeeni—exeeni Nyuwo muntthunaanyu wa miyo?”

¹⁴⁵ Nlo khwira, “Amerami, Miyo ka Nlaikha na Muluku. Miyo kiroorumwa okhuma Wirimu, wira kooleleni wira Muluku ohiwa mavekelo anyu. Ni kinoorwa wohimeeryani wira Owo onrowa onveeleliha nvuluxa. Owo onniwuupuwela anatiri Awe othene.” Kinnoona Nlaikha vano; nkawehani Nenlo, Nlo nimmukumiha xoowa. Nlo ninthoonya onkela ephoyo. Amerami khuweha. Owo khwira, “Epannte onthoonya xoowa ola ori muttethe wa natiri. Ni Miyo kommanela natiri Abrahamu, Isakhi, ni Yakope, axitiithi anyu, wira nyuwo mwaarowa orithi elapo ela. Ni kihiiwa wiipulela w’atthu, kihiiwa wunla w’anamwane, vano kookhuruwa. Ni kintthuna wira musuwele wira munrowa okhalana mpante muulupale mwa yeela, Amerami, okhala wira mwaari oororomeleya mmavekeloni. Nyuwo mwaari oororomeleya mpaani mwanu. Nto okathi ntoko yoola mwaahiyu, Yokepeti, mwaar’inyu oophenteya, onrowa ompatikha mwaana mulopwana. Nto mwaan’owo mulopwana onrowa okhala nvuluxa.” Ovuwa!

¹⁴⁶ Owo khwira, “Oh, ayo. Ayo. Oh, ayo. Ayo. Oh, Owo t’oreera saana.” Owo khuweha, nto Nlaikha khupacerya owela. Yaakhala ntoko erimu yothene yaarootthukuwa, vano Nlo khukhuma mpaani. Owo khulipelela vakhani. Owo khwira, “Oh, miyo nkivahunwe.”

¹⁴⁷ Owo khukhuruwa ixikatta, aakuvaka, nto khwira, “Yokepeti! Yokepeti, mwaakuve!”

Khwira, “Ayo, exeeni yiiraneiyi, oophentiwa?”

¹⁴⁸ Khwira, “Mukilaathi!” Vano muthuko wa mweeri waaryaka vacanelani, waari. . . Owo aakhala ooreera. Nto owo khwira, “Miyo kinoomalaru wona Nlaikha na Muluku, nto Nlo ti nikihimenrye itthu iya sothene.”

“Oh, Nlo naari sayi?” khuhimya maama. “Nlo naari sayi?”

¹⁴⁹ Khwira, “Oh, Nlo naari nooreera. Nlo naawanre nlaya ninaarya. Maitho aya yaanitutha. Ni Nlo naahikhalana xoowa mmatatani mw’Aya, vano Nlo naahithoonya onkela ephoyo.” Owo ti mpantte, moosuwela, muttethe wa natiri onkhala okhuma w’Ejitu; epant’ile, oPalestina. Owo khwira, “Nlo naathoonyale onkela ephoyo. Nto khwira wira hiyo ninoorowa okhalana mwaana mwa okathi yoola mwaahiyu, nto mwanamwan’ola onrowa oyariwa ni onrowa okhala nvuluxa, ni onrowa waavuluxa atthu Awe. Oh, aleluya, Yookepeti!”

150 Nto owo aahiweha wira aahikhala ootteela. Wiitho wawe, maitho awe yaahipacerya, maitho awe yaanweha. “Yokepeti, exeeni?”

“Oh, Amerami! Nnari, nnari, nnari! Hiyo okhalana mwaana mulopwana?”

“Ayo.”

151 “Oh, nyuwo. . . Khivanweryaneya okhala. Moosuwela? Oh, nnari mwahaakhalanne yoowoona ela. Moosuwela, Farawo, owo oniwiivakasa anamwane othene.”

152 “Ayo. Masi, nyuwo moosuwela, Muluku anivaharu mwaan’ola, Muluku onoomukhapelela mwaan’owo. Amen! Muluku oohimya. Muluku onoomukhapelela.”

153 Ahe, mmeeloni mwaya owo khukhuma orowa omutekoni. Nto axirikha othene iwe, yaahinweha Amerami. Ohiya orowa, moosuwela, aryeene othene oowuurama muru ni oowoceya, aahookola makhata, khwira, “Mukivahererye-tho itixolu. Mwaakuveke, nrowe!”

“Exeeni eniiraneya?”

“Avuwihwe Muluku! Muluku onoorowa waakhula mavekelo.” Oh, nnari. . .

154 Moosuwela, enniwoonihani oreera okathi onaakhuliwaanyu. Khaninsuwela eyo, paapa ni amaama, okathi Muluku onaakhulaawe? Khivanthuneya okhalana yoowoona. Moosuwela paahi wira yowaakhula eri vale, yeeyo tu. Yeeyo tu, moosuwela wira waakhuliwa ori vale.

155 Vano, nwiriyane oratteene vano, kintthuna wira mwiiwe, etthu yaakhumelenle. Vano moosuwela, nuuvira okathi vakhani, khwira, “Vaareera, Amerami, exeeni eniwiirani?”

156 “Muluku onoorowa waakhula mavekelo! Muluku onoorowa waakhula mavekelo!”

“Ahe, Owo onrowa waakhula sayi?”

“Eyo khenvirikana hata vakhani.”

157 Mmiravo mmosa khurwa, khwira, “Vano nyuwo munuupuwela wira Owo onrowa waakhula liini?”

158 “Ahe, nkinrowa wooleelani, okhala wira nyuwo mwa mulipa-ooaamini, khula enamuna. Mukivahererye itixolu kamosa-kamosa.” Khurihelela vale *siisaale*. . .? . . . Khivancala; khamurina waaleela alipa-ooaamini itthu sothene, muhaana? Khivanvirikana hata vakhani. Nnari, mulopwana. Vekeekhai nnari. “Mukivahererye-tho itixolu. Aleluya! Onimwaakhula mavekelo!” Ti siiso munoon’anyu mwaasuwelaka wira enimwiiraneya. Kahi yeeyo? Ayo, mulopwana.

“Ahe, Owo onrowa wira sayi?”

159 “Khamunsuwela, khula enamuna, tivo mukhale paahi nvahereryaka itixolu.” Khuhela sothene mpaani mme, khuhela mme itixolu iye sothene.

160 Ohiy’ule owo khurowa owaani, khwira, “Oh, Yokepeti, nkuupuwelani eyo, ninoorowa okhalana mwaana! Oh, owo onrowa okhala nvuluxa! Muluku onoonveeliherya. Oh, enrowa okhala yoothamaleya.”

“Oh, masi miyo nkireere . . .”

161 “Oh, muhiye okattamiheya! Muhiye okattamiheya! Wulu! Muluku ori mwa—Muluku ori moowiiwani vano. Muluku ookhalana maaru; Muluku onniwerya wiiwa. Muluku ookhalana matata; Owo onniwerya ovuluxa.” Tivo, oh, owo aahalana waamini vanci-ene.

162 Moosuwela, mwaavekelaka, mpakha waakhela yoowaakhula, munkhala ni waamini vanci-ene nto. Oh! Nyuwo mootoko ovekela mwaha wa etthu p’itthu, ni musuwela wira Muluku aamurowa owiirelani? Nyuwo axiruusi munniira yeeyo, ni nyuwo aximiravo? Ayo. Vekeekhai. Owo p’ukathi Owo . . . Ti vaavo munsuwel’anyu wira enoorowa wiiraneya. Vaareera.

163 Waahivira mwaakha ntero. Nto naanaanoru, va onoorwa Amerami akhumaka omutekoni nihiku nimoso. Nto exeeni yiiraneieye? Mwaana oothaihaxa, oh, owo aari oosivela mwaamukhaani, oorakama ntoko so. Nto vano owo khimukuxa, khunvaha Amerami. Nto owo khumpecari, moosuwela. Owo aahimpenta, moone. Nto ame awe yaamunvarela. Oh, muhakhu xeeni! Awo khwira, “Oh, nkireere otuthwa, masi, moosuwela. Ttuutthu ula, t’ophenteya.”

164 Nto moosuwela etthu emosa? Bibilia ohimnye wira ole aari mwaana oomalela oreera aatonko oyariva. Vano koosuwela wira aximaama anookivaanyiha mwaha wa yeeyo. Uh-huh. Awo yona wira . . . Ame anyu yona wira nyuwo mwaari mwaana oomalela oreera. Khayoona? Ayo. Awo yaahikhalana ehaakhi yo wuupuwela yeeyo. Masi Bibilia ohimnye wira ola aari mwaana ooreera. Oh, owo aari nniya. Muluku aarina matata Awe mwa yoowo, moosuwela. Tivo, oh, owo aari yoopattuxiwa yoosivela! Owo aamummaathi vale, ni owo—owo aanitheya vakhani, ohirina maino.

165 Khimwaarina muhim’anyu ni akina, aairaka yeeyo, okathi owo wahaarinaawe hata—hata niino, aatheya *siiso*?

Nto naanaanoru, “Waah!”

“Oh, wulu, Muluku aka! Whish! Miyo koosuwela, nrowe nimwiipithihe.”

“Mulattu ene xeeni? Muniira exeeni?”

166 “Mmuroihe vathi. Nyuwo moosuwela nle nikhanle nlamulo. Moone, akhwiri ale oowuuluvala a ephula yoorakama yaviraru va, awo anoomukuxa mwan’ihu emwiive. Ti yeeyo.

Nihimuhiyeke wunla.” Vano, oh, owo aanitthuna emosa—aanitthuna yoolya ya voosisu wala ya ohiyu. Nto ame awe yaanimuroiha vanloothoni, ni omwaamwiha, moosuwela. Nto siiso owo aanikhala saana.

¹⁶⁷ Vano ohiyu kamosa-kamosa ohoolo waya, awo yaathweela ni yoowo, nto, “Waah!” Owo khurowa-tho, moosuwela, khupacerya wunla. Nto owo khurowa aakuvaka saana, khumwiipithiha—khumwiipithiha aakuvaka siiso. Nto epantte ya vathi, wiithela wu saana, vaxirini, Amerami aahilokiha nipuro nimosa naamukhaani vaaweryaawe omwiipithiha mwaana.

¹⁶⁸ Vano nto naanaanoru, awo khwiiwa etthu osulu opacerya o...[Munna Branham ommana vapulpitu—Mol.] *Whish!* Khurowa! Athu othene khumwareela nipuro nimosa, khwira, “Ti yaawo. Awo t’athiyana ale akhwiri oowuuluvala, atokweene ale a ephula yoorakama, makwarikhwa oopintariwa!” Nto akhwiri oowuuluvala...Awo yaahiweha vathi vale, khuweha vacanelani, khwira, “Ayo, ti yaawo. Awo yeemelanse vale.”

[Munna Branham ommana vapulpitu—Mol.] “Muhule!”

¹⁶⁹ Mutokweene Amerami khukhuma, khuhula mukhora, khwira, “Muntthunasa exeeni?”

¹⁷⁰ Khwira, “Nyuwo mookhalana mwaana mu, ni hiyo noosuwela. Nto ninrowa omukuxa.”

“Hiyo khanrina hata mwaana wira noovaheni.” Awo khayaarina.

¹⁷¹ “Ninoovolowa niwehe, nakhala vo. Hiyo na mapiliisa athiyana. Munnoona ikanyeryo sahu?” Nto eyo e...Eyo kehiyo etthu ya muthiyana okhala? Masi, “Hiyo na mapiliisa athiyana. Nookhalana ihaakhi sahu wa akhulupale!” Moosuwela, hiyo nihaana awo nno vano. Nto vano—vano siiso awo yaahilepa, khuvolowa. Yaahivolowa khurukunxa ekhatera yoorakama, ni khuhula ikhaveta sothene, khurihela itthu sothene vathi, khukumihia ikuwo sothene vooililini khutatha. Khuwela khuphwanya nipuro apaapa yaarinaaya—vo nipuro nowiipitheya. Khuweha mapuro othene, masi awo khiyaawenrye omphwanya mwaana.

¹⁷² Khiyaawenrye omphwanya mwaana, tivo khumwaattamela muthiyana vale, oohaawa—Yokepeti oohaawa eemenle-ene vale, wiitho wawe waari wootteela. Awo khwaattamela, khwira, “Nkawehani va! Hiyo noosuwela wira nyuwo mwa ma—maama. Ninnisuwela mwaha wa ekhalelo anyu. Hiyo noosuwela wira nyuwo mwa muthiyana onaamwiha, ni noosuwela wira mwan’ole ori vaava. Hiyo nnoothika. Ninoomukuxa!” Awo khukhuma vamukhora khurowa. Khumana mukhora yiilipihaka khurowa.

Owo khwira, “Oh, oh, niireke exeeni? Niireke exeeni?”

173 Vano Amerami khwira, “Nvekele.” Eyo t’itthu yo wira? [Amiravo n’axiruuasi aniira, “Ayo.”—Mol.] Eyo t’itthu ene? “Nvekele! Nivekele.”

“Oh, oh, oh! Miyo nkinsuwela etthu—etthu yo wira. Oh!”

174 Nto owo khwira, “Vano, nwehe, mmaale, murowe mwamwaamwihe-tho mwaana. Miyo kinoowela kavekele.”

175 Tivo owo aahiwela khuvekela. Owo khwira, “Yehova, Nyuwo mookhalana maaru. Yehova, Nyuwo mookhalana maitho. Yehova, Nyuwo munniwerya wiiwa. Munniwerya waakhula mavekelo. Nyuwo moonivaha mwaan’ola. Nyuwo moonivaha natiri Anyu. Ni Nyuwo munommaliherya natiri Anyu, ni Nyuwo munoomusuka mwaan’ole. Ni miyo kinniroromela!”

176 Nuumala ovekela, okhala ookhulumuwa saana, owo—owo khuurama so khurupa. [Munna Branham ontakiherya okhoronowa—Mol.] Owo khaareere okhulumuwa! Aavanre muteko nihiku nothene, ni avekelaka ohiyu wothene. Owo aahikhulumuwa. Vano nto moosuwela yaakhumelenle? Owo aahirupa, vano khuloha yooloha.

177 Nyuwo moosuwela, Muluku onnilavula moolohani, nave, khonlavula? Tthiri, onnilavula. Ayo, Owo onnilavula. Owo onniwerya. Munnona? Ni Owo onnilavula moolohani.

178 Oh, okathi owo ovennye-awe, owo iirale, [Munna Branham onrumiha ekatha awe emaara emosa—Mol.] “Ti yeeyo! Kaahaana wira kuupuwenle-ene yeeyo. Ti yeeyo erinaaka wira.” [Munna Branham omanne vapulpitu imaara thanu.] “Miyo nkinrowa ohimya hat’etthu ya yeeyo.”

Owo khukhuruwa exikatta. Owo khwira, “Yokepeti!”

“Ayo, oophentiwa? Oh, nkireere okhulumuwa. Nkinwerya orupa.”

“Oh, rowakani mwarupe. Rowakani mwarupe. Yoomala.”

“Munsuwela sayi?”

“Oh, koosuwela paahi. Kinoororomela paahi!”

179 Ohiya apaapa, ohiy’ule, owela wira yavekele, awo yaaronwe vathi. Yaarina muteko vathi vale. Yaari exeeni yiiraaya. Nrowe nikhuruwe niitaka nawoone. Kinniwoona vathi vale, yiiraka. . . [Munna Branham ompacerya waapa, ni omana otakiheryaka otekiwa wa etthu—Mol.] “Pam, pam, pam.” [Munna Branham onimwaapa.] Mukuxe mutathi ula, nwehawehe, muripithule moone waakhanle-ene wooreera. [Munna Branham onimwaapa.] Aroni mwaamukhaani aahikhuma nihiku nle, khusariha mmoononi mwawe, khupweha mmuttuphani vathi, moosuwela. [Munna Branham onimwaapa.] “Muluku onnookhapelelani.” [Munna Branham onimwaapa.] “Etiini ya okathi wa khalayi, ehaana okhala yothehe ekeekhai!” [Munna Branham ommana etthu.] Mutthuke.

Owo khwira, “Amerami, exeeni eniwiirani?”

“Aleluya! Hat’etthu, oophentiwa. Mukeleleke ohoolo.”

¹⁸⁰ [Munna Branham onimwaapa—Mol.] “Eyo etiini ya okathi wa khalayi.” [Munna Branham onoomana—tho.] “Eyo etiini ya okathi wa khalayi.” Muruuhe ela *nno*, moosuwela. “Eyo etiini ya okathi wa khalayi.” “Shhhhhhh,” mutthuke sothene. “Ni ti yoophiyerya wa miyo! Mukivahe ela ya khalayi...” Owo aaira etthu.

¹⁸¹ Moosuwela, nuuvira esumana emosa wala piili, naanaanoru, awo yaanaatikiniha etthu aapaka-awe.

¹⁸² Vano ohiyu umosa okathi awo othene waarupaaya, owo aahiwela aitaka khuroiha etthu ila yaamukhaani osulu, moosuwela. Owo aakunxe *so*. Khuruuha osulu. Khuvenxa mukhumi epantte Yokepeti amwaar’awe yaarupaaya, nto owo khuhela ni mwiitho mmukhumini. Vano Aroni mwaamukhaani ni—ni Miriyamu mwaamukhaani yaahirupasa, moosuwela; oh, owo aari oosivela, mwaaruusi ule, ni Aroni mwaamukhaani. Vano, owo aahihela vathi vale. Owo khwira, “Yokepeti, oophentiwa.”

¹⁸³ Owo khwira, “Nyuwo mwaari vathi nvekelaka okathi ula w’ohiyu, Amerami?”

Khwira, “Nnari. Miyo kaari vathi, kimuttottopelaka Muluku.”

Khwira, “Mwiira exeeni?”

¹⁸⁴ Khwira, “Kintthuna kooleleni. Vano, nyuwo moosuwela wira akhwiri ale anootthikasa.”

“Ayo.”

¹⁸⁵ “Ni kintthuna kooleleni enrowaahu wira. Hiyo nookhalana mwaana vano mwa miyeeri miraru, ni nihaana wiihuluxa owo.”

“Oh, Amerami! Muhaana wira exeeni?”

“Nihaana wiihuluxa mwaan’owo.”

“Wiihuluxa mwaana?”

“Ayo.”

“Oh, nyuwo mootakhala!”

“Nnari, miyo nkihiyo ootakhala. Nnari, nnari, nnari. Miyo koosuwela etthu eniir’aka.”

¹⁸⁶ “Munihimya exeeni? Vano, nyuwo munookhala ootakhala ntoko Farawo. Munrowa wiihuluxa mwan’ihu?”

“Ayo, kinrowa wiihuluxa mwaana.”

“Oh, nihiire!”

¹⁸⁷ “Vano nwiriyane. Hiyo naahinvahererye, onoorowa onipweteya. Nto hiyo nanvaharu Ole onivanhe hiyo, Owo

onoomphwanya.” Eyo ekeekhaii? “Vano, mwaahinvahererye, onoorowa onipweteyya.”

“Onrowa woopweteyani sayi?”

“Vano, akhwiri ale oowuuluvala anoorowa ovira va emukuxe.”

¹⁸⁸ Nto nwehe, mwaahivehererye munep’owo n’urowa ni okhala ntoko olumwenku, munoorowa opweteiwa. Akhwiri a omooroni ari ottuli wanyu. Ni ti yeeyo. Ololo ola wothene wa molumwenkuni ni ithu iyo iwo, siri ottuli wanyu yeenyu. Mwaahivahererye, munoopweteiwa; masi mwamuhokoloxeryaru Ole oovanheni, munoophwanya ni okhala wawinyu. Exeeni iyo vano? Naahivahererye, niniira exeeni? [Anamwane aniira, “Opweteiwa.”—Mol.] Opweteiwa. Nanvharu Kristu, hiyo exeeni? Onookhala wawihu. [“Onookhala wawihu.”] Amen! Ti yooreera. Vano muhaakhula oratta-ene.

¹⁸⁹ Vano owo iirale, “Yokepeti, ninoorowa opweteiwa owo naahinvahererye. Tivo namuhokoloxeryaru—namuhokoloxeryaru Ole onivanhe, vano onookhala awihu.”

¹⁹⁰ Vano nyuwo muhaana munepa. Ni, apaapa ni amaama, ni nyuwo. Masi mwaahivahererye, onoorowa woopweteyani. Ti yeeyo. Akhwiri a omooroni anookuxa. Awo othene anoothharelela yoowo! Masi mwamuhokoloxeryaru Ole oovanheni, munoosuka wa Ekumi ehinimala. Aleluya! Amen! Kiswaamihiwe, anamwane, miyo—miyo ka mutthu a khalayi voophiyerya okhuwela. Mwaahivahererye...Nrowe nihimye, othene vamosa: [Muthukumano onihimya vamosa ni Munna Branham—Mol.] “Mwaahivahererye onimooopweteyani; mwamuhokoloxeryaru Ole oovanheni, munoosuka.” Amen. Muupuwele vano, munvahe Yoowo.

¹⁹¹ Vano nrowe niwehe. Oh, owo khupacerya wunla. Owo khwira, “Oh, munrowa omwiiriha exeeni?” owo khwira.

“Nkawehani va, kintthuna kiwooniheni etthu.”

“Eri exeeni mukulukutheleni mwa olili aka mme?”

Khwira, “Mukihye kiwooniheni.” Vano owo khupurulela ota.

“Oh, ettanka yaamukhaani ya mitathi!”

¹⁹² Vekeekhai, eyo ekalawa yaamukhaani. Kherina eleemi, kherina ntthanka, kherina micinka mwa yeeyo, ni nnakhala vo enrowa opakhira nihuta nooreeraxa naatonko opakhiriwa ni paketi, mpakha okathi ule. Mwiiwe! Kherina kapitawu nnakhala anahota. Munna, kinnimusuwela Paketi a muulweene, siiso, nave!

¹⁹³ “Oh,” owo khwira, “Am-...kihiyeni kiwehe, Amerami, kihiyeni koone.” Owo khurwa mpakha va.

194 Khwira, “Nkawehani va, ookhalana ettiyelo yaamukhaani mwa yoowo. Munnona?” Owo khuyenxa ettiyelo yaamukhaani.

Owo khwira, “Whish! Onninkha! Uh! Whish! Wulu!”

Khwira, “Ayo, onninkha.”

“Mwaha wa xeeni?”

195 “Kimuyeehenrye piriniixi oowaatta. T’osirikeliwa, othene owo.” Nnyomelo piriniixi, moosuwela, nto owo aasirikeliwe nnyomelo othene. Aari yoowo aamukaphulihaawe va, ni omuyeeherya vasulu va mitathi iya. Owo aaroomusirikela. Khwira, “Moone, maasi khanwerya okela-mo nto. Moone, t’otthukiwa othene.” Nto khwira, “Ni khanwerya okela-mo, maasi khanwerya. Miyo kiroomusirikela.”

Khwira, “Whish! Onninkha!”

196 Nyuwo anamwane munnimusuwela ole okhanle piriniixi, aalokihiwaka rampha, “Oh, wunkha iwe woonanara!” Masi owo—owo—owo—owo onnikhaliha e...Owo—owo onnittiya minyatta sothene muramphani. Ni ti siiso oniiraawe, onttiyele maasi othene.

197 Ni ti siiso mavekelo animwiirelaaya mulipa-oowaamini. Ti yaawo mahiku othene anikhaliha olumwenku ota wa nyuwo, okathi muniittiyelaanyu mukokhonre, ni wira, “Pwiya Yesu!” Nto Ephome enakhuruwa, ni wootthittani ekanyeryo othene wira xetwani ohiwerye woovarani. Munnona? Ti yeeyo. Munnona? Tivo, oh, imaara sinci-ene athu anoorwa iwo ni wira ti yoonanaraxa, masi, eyo khenvirikana hata vakhani, eyo enookhalihani oolipa. Eyo t’itthu yuulupalexa, okhaliha oolipa. Eniiriwa, “Nyuwo mwa a enamuna ya khalayi,” masi, khiva mulattu, eyo enookhalihani oolipa.

“Ahe,” khwira, “ninrowa wira exeeni?”

198 “Vaareera,” khwira, “Miyo kinimooleelani enrowaahu wira. Ninrowa omukuxa mwaana, ni ninrowa okhalana nlaihanelo mwaamukhaani. Ni ninrowa omukuxa mwaana nimuhele muumu, nimuhele Mmuro Niilu.”

199 “Oh! Nnari! Nnari! Nnari! Amerami, khamukhanle omuhela mwan’ihu mmuro.”

200 “Ayo! Ayo! Miyo koosuwela etthu eniir’aka.” Moone, owo aahikhalana yooloha, owo aanisuwela etthu yo wira. Moone, Muluku aahimuxuttiha. Owo aanisuwela etthu yo wira. Owo aahiteka ela, ni aahoona wira yaari ya muthinto mmosaru wa ekalawa yaamooponle Nowe okathi awe.

201 Tivo owo khwira, “Nkawehani va, koopaka mwiithe mwaamukhaani vasulu vaya, wira owo oweryeke omumula. Moone, onoowerya waakhela waarya wa nsuwa ovira vaavale.”

202 Ni moosuwela, ekalawa mBibiliani mwa Khalayi, ottuli wu, yaapakiwe enamuna emosaru. Ni yaahikhalana mwiithe

vasulu vaya, wira owaryanyeke wona muhina, moone, ni vaavo aarinaawe owehaka osulu.

203 Tivo nto tutthu ula owooniha othunku, oohikhalana nsina, khaarina hata nsina; ttuutthu, mwaamukhaani oohikhalana nsina, ni nlelo tutthu oosivelaxa molumwenkuni.

204 Ohiyu woottharelana, okathi awo aphiyalyaaya, vano awo khulipelela mpakha iwoora tthaaru voosiisu, vano nto awo. . . Owo aahaattamela. Ni aahimaliha ovekela. Owo aahirowa, nto khwira, “Vano nrowe, Yokepeti, nvenye!”

205 Nto siiso khunvenxa Aroni mwaamukhaani ni Miriyamu mwaamukhaani. Oh, owo khurwa khumpatikha, owo khwira, “Paapa!” Miriyamu mwaamukhaani, owo khwira, “Khamunrowa omukuxa munn’ihu mwaamukhaani, ttuutthu, mmuhele muNiilu memmo siri ikonya iye sothene, munoorowa?”

206 Nto owo khukakhela maihi awe makhaani ottuli wawe so. Ni yawawe. . . Owo aarina maitho ooreera, ni maihi makhaani ooreera. Vano nto owo khumpecari onlakuni. Owo khwira, “Oophentiwa, ni miyo, ennikiwereya. Eyo ennikiwereya, nave, masi nihaana wira yeela.”

207 Moone, axiruusi ni aximiravo, imaara sikina nihaana wira itthu sinniwereya, masi nihaana wira, nnakhala vo. Okathi axiruusi aniiraaya, “Hey, nyuwo mootoko onvura sikaro?”

Nyuwo munimwiira, “Nnari.”

208 “Ahe, mmwehererye mmosa! Oh, miyo ka mpatthani anyu, moosuwela. Ayo, mmwehererye.”

209 Masi nyuwo, pooti onanariha vakhani, masi mwiire, “Huh-uh. Nkimmutthuna.” Munnona? Munnona? “Nkimmutthuna.”

Oniira, “Munnitthuna orwa, orowa wootthekulani ni miyo ohiy’ula?”

210 “Nnari, nnari. Huh-uh. Miyo nkinrowa wootthekulani.” Munnona? Eyo pooti owereya vakhani paahi. Munnona?

211 “Oh, nyuwo mwa mutthu a khalayi paahi.” Muhaamini iyo. Pooti wiiniha murima vakhani. Murukunxe muru anyu paahi; eyo etthu yooreera wira, moone. Okathi wothene mwiireke siiso, mwiireke etthu yooreera. Vaareera.

212 Nto vano axiruusi yaaxuttaka wiina nno wa khalayi wa okathani siiso, ni enatthuna wira mwiixutte; mwaaleele, “Nnari, nnari.” Muhiire eyo, moone.

213 “Oh, ahe, ohakalala vanci-ene.” Muhicale ohakalala xeeni okhanlyaaya. Nyuwo muntthuna wira ele eri yooreera, vano okathi wothene mwiireke ele eri yooreera. Vano, muupuwele yeeyo vano. Khamunrowa oliyala, munoorowa?

214 Vano, vano awo yiirale exeeni? Awo yaamukunxe ttuutthu uwo nto, khuwela weiwo. Vano Aroni mwaamukhaani khurwa, khwira, “Paapa, munrowa omwiiraha exeeni ttuutthu ahu?”

215 Owo khwira, “Aroni, mukilaathi nno ottuli waka, oophentiwa.” Khwira, “Nkawehani, Aroni. Hiyo nahalaru ni mwaana, ninrowa wira exeeni?” [Muthukumano oniira, “Onipweteya.”—Mol.] “Onipweteya. Masi hiyo namuhokoloxeryaru mwaana mmatatani mwa Ole onivanhe, ninrowa wira exeeni?” [“Onookhala awihu.”] “Onookhala awihu.” Ti yeeyo.

“Masi munrowa wira sayi, paapa?”

216 “Nkisuwenle. Nkinsuwela moota enrow’aya wiiriwa, masi Muluku onoorowa wira.” Munnona?

217 Nto siiso vo awo yaahimuhela ttuutthu uwo mme, vano owo khurowa. Nto va awo khurowa vano, awo khurowa mpakha vamukhora. Awo khurowa mpakha vamukhora, owo khuweha epantte *ela* nno y’ephiro, epantti *ele* iwe y’ephiro. Khaakhanle hata mutthu, aarwa hata nipuro. Khwira, “Rwaakani, Yokepeti. Rwaakani, Aroni. Rwaakani, rwaakani, Miriyamu. Nrowe.”

218 Awo khukuxa nivuku naamukhaani khukuruwela mukhokowani mmuro. Oh, okathi ohinatthi hata oxa. Nto va aarwa Aroni mwaamukhaani, ottuli iwe onvarenle-ene Miriyamu mwaamukhaani, munna mulopwana ni munna muthiyana, awo yaamunlasa. Nto Yokepeti oohaawa, owo aamurowa airaka, “sniff, sniff, sniff, sniff.”

“Sh-sh-sh-sh-sh! Awo anwehaweha ephiro. Phoole. Sh! Phoole.” Ettharasaka ephiro. “Sh-sh-sh! Phoole.” Emukunxene ttuutthu. Nto ame awe yaamukunxe ttuutthu, nto—nto atiithi yaakunxe nivuku.

219 Awo khukhuruwela omuro. Oh, owo muro muulupale saana, wa neenli muulupalexa molumwenkuni. Nto siiso, vo, muro muulupalexa, ni woowaakuwa, ni woowaatta ikonya suulupale ni ikonya sikhaani. Oh, iyo saari sooneneva. Whish! Iyo saalyihiwe anamwane ale othene. Saari sooneneva saana. Nto—nto owo khwira, Yokepeti khumwiirela Amerami, iya awe, khwira, “Oh, ankhii ikonya samukuxa? Ankhii ikonya iya mu samukwannya?”

220 Khwira, “Muhixanke. Iyo sookolelaru ephula aya piriniixi ule, sinoothyawela ottaiwene saana, moone. Mwaha wa yeeyo oninkheryaawe, moone. Eyo enoovenxa ephula,” khwira, “eyo khenrowa owerya woona wunkha erutthu ya mutthu, tivo enoosusa. Piriniixi ule onimunkha saana mpakha sinrowaaya otthyawa. Sothene sinookhala saana. Muhixanke.” Vano awo. . . Nto khupweha vathi, nivuku naamukhaani. Nto owo khwira. . . “Vano mmwaamwihe mwaana owo.”

221 Nto ame awe khimukuxa mwaana khumwaamwiha, nto khumwaamwiha mwaana mpakha owo olya yoolya awe ya voosiisu, oxaka voosiisu ene. Vano nto owo [Munna Branham onrumiha nsu na epeeco—Mol.] khumpecari. Nto khwira, “Vano, Aroni, nyuwo mumpecariki.” Nto Aroni khumpecari. Vano nto

khunvaha Miriyamu, khumpecari. Ni ame awe khumpecari, nto, “Oh,” awo khwira, “Miyo paahi . . .”

222 “Vano, sh-sh-sh! Vano nwiriyane, nihaana okhala anakhotto. Munnona? Nihaana okhala anakhotto. Vano nyuwo othene muntthuna ompecari-tho?” Othene aya, vakhiviru, khumpecari-tho. Nto khimuhela muhina mme.

223 Nto ame awe khupaka mukhumi mwaamukhaani, khimuhelala vasulu, ni musaawu mwaamukhaani. Khuhela vasulu vale. Awo khwira, “Mwan’aka oophentiwa, Muluku ooreeriheni.”

“Sh-sh-sh! Vano, Muluku onookhapelela eyo. Muhixanke.”

224 Khukuruxa ettiyelo ele yaamukhaani. Nto voottharelana, atiithi khupacerya orula ekhasako, khurula ekamisa. Owo khunarowa vale, okelaka mmaasini.

225 Munuupuwela wira eniiraneya exeeni Wirimu, okathi ene yoola? Aleluya! Moosuwela, saairaneyaka itthu vathi va yookhala etthu eniiraneya osulu Iwe, nave. Amen! Kinniweya omoona Muluku ovenya Veehicieni Vawe, waattamela, wira, “Kapiriyeli! Kapiriyeli! Muri woowi?”

Kapiriyeli oniira, “Miyo kiri va, Apwiya.”

226 “Murwe va! Kinrowa owoonihani etthu emosa!” Khwira, “Nyuwo Malaikha othene murwe va, minuutu mmosa, Miyo kintthuna kiwooniheni etthu. Kookhalana atthu anikaamini Miyo. Ayo, kookhalana atthu anikiroromela Miyo. Murwe va, minuutu mmosa! Ti yooreera wa nyuwo Malaikha othene, oweha yeela. Nkawehani!”

“Eri vayi?”

“Vathi vale. Nkawehani.”

“Ayo, ayo. Ayo, kinnoona.”

227 “Nkawehani saana vathi vale. Munnoona okerekhere wa iye—iye—mitathi iye vale, ikhokowa iye ni itthu?”

“Ayo.”

“Nkoonani vale!”

“Exeeni ile?”

228 “Ookhala mulopwana ovenxale matata, okokhonre, onikixonttela Miyo. Ookhala maama mmosa oninla, ni anamwane anli axikhaani aninlasa. Awo annikiroromela Miyo mpakha wookiseryani. Kapiriyeli, munnuupuwela okathi waakenlyaanyu? Munnimuupuwela mulopwan’ole?”

229 “Ayo, miyo kaahimphwanya okatthi ohiy’ule khulavula ni yoowo. Uh-huh.”

230 “Owo nlelo onnikiroromela Miyo. Kookhanala atthu anikaamini Miyo! Miyo kookhalana atthu anrowa okiroromela Miyo mpakha wookiseryani!” [Munna Branham ommana

vapulpitu imaara thanu na mosa—Mol.] “Munnimoona? Nkanweheni.”

“Ayo, oh, iwe t’okhanle okhala oominyala!”

231 Atiithi ankela mmaasini, khupacerya osukhuma ekalawa yaamukhaani.

Kinniwerya omwiiwa Owo wira, “Kapiriyeli!”

“Ayo, Apwiya?”

232 “Nwiihane Malaikha ikonto muloko arwe. Mwaavahe worti wo weetta naanaanoru. Mwiitthane mittitthi sa anakhotto a Wirimu. Mwaarume othene vathi ni osulu, munvarela ntata mwa ixikatta sa Wirimu, ni mwaahale othene osulu ni vathi wa Niilu. Kinniruma wira ehikhale hata ekonya enikwanyanya nihuta nle! Khiivo etthu enrowa okwanyanya! Muhihye hata nipattuuxa na ethaapwa okwanyanya.” Aleluya!

233 Kapiriyeli khwira, “Enimwiiriwa.” Wulu! Owo khurumiha nlope! Malaikha ikonto muloko khurwa owiriyana!

“Namweetiha. Munrowa okhala vayi, Apwiya?”

234 “Kinrowa okhala okerekhere okina.” Owo kweekwe onkhala okerekhere wo waakhelela. “Kinrowa olipelela okerekhere okina. Kookhalana niwoko. Atthu yakiroromelaru Miyo, Miyo kookhalana etthu, niwoko; enoorowa okhala saana n’awo.” Vaareera, Owo onkhuruwela okerekhere okina.

235 Kinnimoona Moise . . . ahiiso Aroni mwaamukhaani n’akina, etthikelaka mphironi, yinlasaka. “Sh-sh-sh-sh-sh! Nwehe.”

236 Ni Miriyamu mwaamukhaani, nlelo orimweemela, owehaka. Owo khwira, “Oh! Oh!”

237 Khwira, “Nrowe, Miriyamu, vanimooxa. Nrowe, mithupi siniipela nihiku. Nrowe, vanimooxa. Rwaakani, oophentiwa, nrowe!”

238 Khwira, “Oh, paapa, paapa! Xontte, emaara emosa-tho. Mukihye kikhale, mukihye kinwehe koone etthu eniiraneya. Kinootthikela owaani nuuvira okathi vakhani.”

239 “Oh,” [Munna Branham onrumiha ikatha sawe—Mol.] “owo muupuwelo wooreera, Miriyamu. Pooti okhala yooreera. Muhale paahi nwehe etthu eniiraneya.”

“Vaareera, miyo ki—miyo kinoonweha.”

240 “Vano, numala mwaakuvele owaani. Moone paahi etthu eniiraneya. Nto murwe, muniruuhele ihapari, sa etthu eniireya.”

“Vaareera, paapa.” Nto awo khurrowasa, yaahaana waakuva.

241 Miriyamu mwaamukhaani, aahihala awehaka. Naanaanoru, waahixa. “Oh, oh, oh, exeeni ile enrwa iwe? E—exa. Nnari. Ekonya ele? Oh, owo khurukunuwa.”

242 Ha-ha! Owo oonne exeeni? Owo oonale etthu atthu anci-ene ahinoonaaya. Munnona? Nihuta nle naamukhaani naamurowa,

nilenleyaka vale. Awo yona wira khinaarina namweettiha; yona wira khinaarina hata kapitawu. Naahikhalana. Othene yaaroothukumana erukurenrye.

²⁴³ Vale enoorwa ekonya yaamukhaani, oniira, “Oh, nkawehani vale!” Ennoorwa, elenleyaka *siiso*. Owo onrowa . . . Oh, nnari. Nnari, nnari. Eyo ehaattamele nihuta nle.

Vale aari namwaakiha, nvuluxa, aYuta imilyawu tthaaru yaathuna waakihiwa. [Munna Branham ommana vapulpitu imaara thanu—Mol.] Axetwani othene omooroni khiyaawerya omukwannya. Nilenleyaka nirowaka ohitto, nivuku nle naapakiwe ni piriniixi, nirowaka ohitto wa muro.

²⁴⁴ Naanaanoru, nlo khukela muyuupuruni. “Oh!” Miriyamu khwira, “Oh! Oh! Nkawehani ile! Eyuupuru ile, nkawehani yeele! Nkawehani ile siisaale!” Naanaanoru, eyo naanaanoru khurwa.

²⁴⁵ Ti siiso eniireyaaya. Imaara sikina, ninnikela muyuupuruni, mwaatiya ola mwaamukhaani. Muhixanke. Ookhala Mutthu onkhapelela. “Malaikha a Muluku ankhala vakhiviru n’ale animoova Yoowo.” Aakhala ikonto muloko a yaawo mulistaani mo weetta naanaano va.

²⁴⁶ Miriyamu mwaamukhaani, onookhuruwela, khuwela mwal’ola muulupale, ni khuvirela vakhiviru aakuvaka *so*. Onookhuruwela atthimakaka, onweha nivuku. Ontthikela okhuruwelaka *va*, ni onvira vamulu ula wa ikhokowa. Nuuvira okathi vakhani nlo khuphara vale. Oniira, “Oh! Oh, kaathuna osuwela!”

²⁴⁷ (Vano, atithi awe yaahimuleela, khwira, “Vano muhimuhiye hata mutthu owoonani nwehaka nle. Arwa mutthu, mwiireke ntoko wira khamunweha, muroweke epantte ekina. Muhi—muhiireke ntoko wira munooweha hata vakhani, muroweke mweettaka paahi.” “Vaareera,” owo khwira.)

²⁴⁸ Owo ontthikela orowaka mukerekhere mwa muro. Nlo khuphara. Naanaanoru, vale nri nikhuru nuulupale n’alipa-oomiserya. Owo oniira ntoko aari mwaaruusi paahi eettakasa. Iwoora, muloko sa voosiisu vano, moosuwela, vano owo aahitthikela eettaka attharaka muro. Ni aakhala awehaka ottuli, mpararini, wira ooneke waarowaawe.

²⁴⁹ Nuuvira okathi vakhani aahivirela nikhuru nikina. Khutthikela owehaka paahi; khurwa ohoolo vakhani. Khutthikela orowaka, orowaka ottaiwene vakhani.

²⁵⁰ Nuuvira okathi vakhani aahiphiya varixini yuulupale. “Oh, wulu, ninrowa wiithela wa exiri yeela!” Owo oniira exeeni? Owo khonsuwela etthu yo wira. Tivo owo khaawerya owela exiri, nto khurwa akhuruwelaka mmaasini *sa*, khwiipurulela vasulu. Owo khukela vale, nto khunarowa eettaka.

251 Naanaanoru, owo aari omatta wooreera. Maluwa yaaphuwa mapuro othene, ni yaari yooreera saana. Vano nwiriyane okathi vakhani paahi. Vano nwehe, axiruusi. Maluwa ooreera, ni, oh, miri saari sooreheriwa sothene. Yaari yooreera saana! Eyo epaarikhi. “Oh,” owo khwira, “nkawehani vale, ele! Oh, wulu! Kiri opaarikhi wa empa ya mwene, empa y’emwene ya Farawo, mpaarikhi. Kinrowa wiira exeeni va? Kavariwaru vaava, oh, wulu, kinrowa wiirihwa exeeni?”

252 Nto owo aaniweha. Vale naarowa nivuku naamukhaani, nto naaheemela vale mmaasini, khupacerya olenleya vaavale, mmaasini. Mwaha wa zeeni. Nto owo aahimwiiwa mutthu alavulaka. Owo khwiipitha mutakwarikhwani. Owo khukilaathi, khunaweha *siisaale*, moosuwela, Miriyamu mwaamukhaani khupacerya oweha saana, wira oone.

253 Naanaanoru, khunarwa axilopwana aalupale a ikuru ooriipa ekuxanse-ene maxira so. Nto anamuteko axithiyana eveleelaka, ni awo yaamwiipa. Nto vale aahirwa muthiyana mmosa, ni aarina ekhara yuulupale ya weero mmuruni, ni enowa yuulupale yaaththukunle eyano (*siiso*) ohoolo. Ni owo aari muthiyana ooreera, vano khukhuruwa. Owo aawanre ikuwo sooreera saana, n’itthu siiso. Ni kinnimwiiwa mmosa w’arumeyi axithiyana wira, “Omwene anyu wuulupale, nyuwo munuupuwela wira maasi tooviha voosiis’ula?”

254 Miriyamu khwira, “‘Omwene’? Oh, ohaana okhala a emwene, tivo kihaana okhala mpaarikhi. Nto anki kavariwa mu, anrowa okiiriha exeeni?”

255 Vaareera, owo onookhuruwa, nto axilopwana ala aalupale ooriipa akuxanse-ene mwiri woowokololowa *sa*, owo khurowa okerekhere wa maasi *siisaale*, khurula ixapattho sawe. Nto murumeyi mmosa muthiyana aakunxe ituwaya, nto akina esapawu. Nto owo aamukhuruwela wira orape voosiisu. Nto khukhuruwa khurowa wi—wiitthokiha wira orape. Owo khurula ixapattho sawe. Owo khwira, “Kinoohela ikatha saka mmaasini koone yaakhanle-ene ooviha nlelo. Oh, t’oreera, paahi. . . Exeeni ile vale?”

256 “Oh!” Miriyamu, Miriyamu mwaamukhaani khwira, “Oh! Uh-oh, owo ohoona nivuku nle.”

“Oh,” owo khwira, “ekonya ele?”

257 Mmosa w’axilopwana ale aalupale a ikuru khwira, “Minuutu mmosa paahi, kinrowa woona.” Splash, splash, splash, onkela mmaasini. Khukuxa so, khutthika. Khwira, “Omwene anyu!” Khimunnya namuteko. Nto namuteko khukuxa khimunnya *saale*, owo khupweha vathi.

258 Owo khwira, “Exeeni iyo? Whish, enninkha! Erina piriniixi mapuro othene. Nkawehani va, nookhalana ephawo vasulu vaya.”

259 Nto Miriyamu khwira, “Oh! Oh, vale onrowa murokor’aka mwaamukhaani! Vale onrowa murokor’aka mwaamukhaani!”

260 Nto siiso awo anoothukula sa. “Oh, aari mwaana!” Vano owo khupacerya. . . Mwaana ootepa oreera mulaponi! Ni, oh, Muluku Yoole aawerya okhaliha onyokha, aaniwerya okhaliha ophenta; ni ophenta wothene Owo aakhanlyaawe ohelaka mmurimani mwa mutthu, maama wa mwaana, Owo aahenle mmurimani mwa mwaaruusi ule. Nto owo—owo khwira, “Ti mmosa wa aHe. . . Miyo koosuwela exeeni iyo. T’atithi aka ale ootakhala murima! Awo t’otakhala saana! Yaarumme wira anamwane ale othene aHeperi yiivakasiwe. Nto mmosa w’aximaama ale khimurihela mwan’awe, aroromelaka wira aamweemela nipuro pi nipuro. Oh, awo t’otakhala! Ahe, awo khanimwiiva ola, okhala wira ola t’awaka.” Uh-huh, munnoona moota Muluku oniir’awe?

261 Owo khimukuxa, ni [Munna Branham onrumiha nsu na opecari—Mol.] owo khumpecari. Nto mwaana khunla. Nto vanlalyaawe, aahivihiha murim’awe. Owo khwira, “Oohaawaseya.” Khwira, “Miyo kinoomukuxa ni kinrowa omwiihana. . . Kinoorowa onvaha nsina.” Nto ti vaavo owo ophwannyaawe nsina nawe.

262 Nsina nawe naari aani? [Muthukumano oniira, “Moise.”—Mol.] Moise. Nto *Moise* enihimya “ookumihiwa mmaasini.” Munnona?

263 Owo khwira, “Vano kinrowa omwiihana Moise, nto owo onrowa okhala mwan’aka. Miyo kinookhala ni yoowo. Masi vano,” owo khwira, “masi miyo ka nimwaari nkikhanle omwaamwihaka. Miyo—miyo—miyo nkirina hata enamuna y’omulyiha.” Awo khayaarinasa isuupha iya n’itthu okathi ule. Athiyana khayaanvura sikaro ntoko awo siniir’aya vano, moone, ni wiihapaliha itthu. Vano khwira, “Ahe, mwamusuwela mmosa. . .” Khwira, “Kinrowa—kinrowa wira exeeni?” Tivo owo khwira, “Miyo. . .”

264 Mmosa aya khwira, “Kinimooleelani, omwene anyu, kinoomphwanya nlela-mwaana a mwan’inyu.”

“Oh,” owo khwira, “ti yooreera saana.” Mukhaani. . .

265 Ethhu emosa khulavula, Nlaikha naari vamwirini vale, khwira, “Miriyaamu, vo ori oreeriwa wanyu! Vo ori oreeriwa wanyu!” Miriyamu mwaamukhaani khurowa atthimakaka. Khwira, “Muhihimye ethhu vano, muhooneihe. Mukhume mwahimye wira ‘munoorowa omphwanya nlela-mwaana,’ nto mwaarowele ame anyu.”

Vaareera, nto owo khuhimya yeeyo. Owo khwira, “Omwene anyu!”

266 Vano, voolimaleleya, owo aamuhimya wira, “Muniira exeeni va?” Masi, moone, Muluku aamukhuneela sothene. Mwaha wa

xeen? Owo aarina Malaikha ikonto muloko yeettaka. Munnona? Mutthokiheryo awe onoorowa ovara muteko. Owo aahikhalana Malaikha ikonto muloko vale.

267 Vano voohiwehererya, khwira, “Yawinyu . . .”

Khwira, “Ayo, oophentiwa, muniira exeeni va?”

268 Owo khwira, “Miyo kinoomalaru owoonani ni mwaana.” Khwira, “Koosuwela vatthu vari maama ooreera murima aarowa omukhapelela mwan’inyu.”

269 Owo khwira, “Murowe, mmurowele, mmuhimeerye wira kinoonvaha itoolare imiya tthaaru khula esumana wira amukhapelele mwaan’ola, ni kinoonvaha ekatthi yoomalela mpaani mwa mwene iwe. Ni mwasuwela vatthu vari muthiyana muHeperi, okhanle nlela-mwaana onkhuma mapele, onwerya omwaamwiha mwaan’ola, ola mwan’aka.”

Khwira, “Ayo, omwene anyu, kinomphavela mmosa.”

270 Khwira, “Vano, mulipelele vakhani! Muhinatthi okela mpaani mwa mwene, muhaana okhalana eseenya. Moone, nyuwo khamusuwenle eseenya. Khula nihiku nihaana eseenya. Vano, eseenya olelo, moosuwela yaari exeeni? ‘Epano emosa ni muritti wa malaxi.’” Khwira, “Ti yeeyo murinaanyu ohimya wira nvire vamukhora.”

271 Vano Miriyamu mwaamukhaani aahirowa aittottopaka owaani, aakuvaka ntoko saaweryaawe, khutupha exiri, arowaka mphironi, khurowa epantte *ela*, ni epantte *ela*, ni aakuvaka ntoko saaweryaawe. Khuvolowa atthyawaka mpaani.

272 Nto—nto Amerami aammalaru ophiya owaani, ni Yokepeti. Nto, oh, awo yaahixanka, etthunasaka osuwela exeeni yaairaneya. Owo khwira, “Mwan’aka oohaawa! Mwan’aka oohaawa!” Owo . . .

273 Owo khwira, “Vano nwiriyane.” Khwira, “Miyo kinoomalaru ovira mphironi mme, nto maama ole oohaawa ohaakhaliha atthu okutakutheya nihiku nothene. Awo aavira wa anamwaattamanani voosiis’ula, khuphutura muru wa khula ttuutthu aari w’anamwaattamanani.” Ni khwira, “Moota yaanyakulasaaya ni wunla! Vano, nkisuwene, ttuutthu anyu, varyaawe. Khula nipuro ttuutthu ahu varyaawe, Muluku onoomukhapelela.”

274 Okathi ene yoowo etthu emosa khwira . . . [Munna Branham ommana vapulpitu imaara xexe—Mol.] “Oh! Oh! Awo arisa vo, vamukhora naanaano va.” Vano, awo khurowa khuweha. Nnari, khayaari. Aari Miriyamu.

275 Owo khwira, “Oh! Oh, Miriyamu! Volowani, oophentiwa! Exeeni emukhumelenle mwaana?”

Owo khwira, “Maama, nkireere ovoliwa etala.”

Khwira, “Masi exeeni emukhumelenle mwaana?”

276 Khwira, “Kinimookhwa etala, maama.” Khwira, “Oh, attotopeliwe Apwiya! Aleluya! Kinimookhwa etala, maama.”

Khwira, “Masi exeeni emukhumelenle mwaana?”

277 Khwira, “Maama, nkireere ovoliwa etala kaamuwerya olya sothene mpaani.”

278 Khwira, “Ninrowa okuxa etthu mulye, masi exeeni emukhumelenle mwaana?” [Munna Branham ommana vapulpitu imaara tthaaru—Mol.]

279 Khwira, “Oh, mwaana mukumi, maama. Mukivahe etthu kilye. Oh, nkireere otteeliwa murima!”

“Masi exeeni emukhumelenle?”

280 “Ahe, mukivahe etthu kilye, kinimookhwa etala.” Mwaamuwerya otthokelela yeeyo?

281 Owo khwira, “Miriyaamu! Ala ti ame anyu ni atith’anyu. Ori vayi mwaana?” [Munna Branham omanne vapulpitu imaara tthaaru—Mol.]

282 Owo khwira, “Maama, miyo kihooleelani. Mwaana, miyo koomoona, ni ori saana. Vano, maama, mukivahe etthu kilye; koovoliwa etala. Moosuwela, miyo—miyo kinimookhwa etala.” Ntoko nyuwo sinkhalaanyu mwaaphiyaka owaani okhuma oxikola, moosuwela; oh, muhaana olya etthu.

Vano, owo khuruwa khukuxa esanti. Khwira, “Vano mukileele.”

283 Ni owo airaka, “Nya, nya, nya,” alyaaka, moosuwela, siiso. Khwira, “Maama?”

Khwira, “Ayo, masi exeeni emukhumelenle mwaana?”

284 “Vano,” khwira, “maama...” Owo khwaaleela wahala ene. Nto khwira, “Maama, murowele ikuwo sanyu sooreeraxa, ni mutthokihe matthuka anyu, okhala wira munrowa omukhapelela mwaana.” Oh! Oh! Oh!

“Exeeni?”

285 Yoopweteyani, munoophwanya-tho. Eyo ekeekhaii? Mwawateeriha, munoopweteiwa. Mwavaharu, yoopweteyani, nyuwo munoophwanya. Eyo ekeekhaii?

286 Nto Miriyaamu mwaamukhaani alyaaka voohiyererya. Khwira, “Ayo.” Khwira, “Munrowa empa ya mwene olelo. Ni kahi yeeyo paahi, masi munrowa, waakhelaka, waakhelaka itoolare imiya tthaaru khula esumana, ni ikatthi soomalela oreera mulaponi, wira mmukhapelele mwan’inyu.”

287 Emaara yoopacerya mwa wahala a molumwenkuni vaavo maama otonko awe olinvwa wira omwaamwihe mwan’awe. Munnoona moota Muluku oniir’awe? [Munna Branham onopa ikuphi imaara tthaaru—Mol.] Aleluya! Omwaamwiha mwana awe, ni waakhela itoolare imiya tthaaru khula esumana, ni

ikatthi soomalela oreera mulaponi. Muluku onniira itthu, khoniira? Vannireerela ovekela? [Muthukumano oniira, “Ayo.”] Ti yooreera ovekela? [“Amen.”]

²⁸⁸ Tivo, owo aahitthokiha matthuka awe makhaani. Nnimwaakuva vano, ninrowa omaliha muhina mwa minuutu mmosa. Tivo hiyo. . . Owo khutthokiha matthuka awe, khurowa mphironi, aakuvaka ntoko saaweryaawe. Nto naanaanoru, owo khurwa; kwarta muulupale vale eemenle nnivaka nawe nuulupale, khwira, “T’ani onrowa vo?”

Owo khwira, “Epano emosa ni muritti wa malaxi.”

“Virakani.” Munnoona moota Muluku oniiir’awe itthu?

²⁸⁹ Khurowa mpakha wa kwarta mukina. Vo owo khimukumiha xoowa awe, khwira, “Nyuwo mw’ani? T’ani onrowa vo?”

Khwira, “Epano emosa ni muritti wa malaxi.”

Khwira, “Virakani.” Wulu! Munnoona moota Muluku oniiir’awe itthu?

²⁹⁰ Nweleke, ewehasaka empa ya mwene; khupacerasa owela, nto nloko nothene na mwene khukhuma, khwaakumiha axoowa aya. “T’ani onrowa vo?”

Khwira, “Epano emosa ni muritti wa malaxi.”

“Nvoloweke.”

²⁹¹ Naanaanoru, mulopwana mmosa khukhuma, khwira, “Nyuwo mwa muhano mwaamukhaani onlipeleliwa ni nloko na mwene?”

“Ayo.”

²⁹² “Ni ola ti nlela-mwaana onkhuma mapele a ttuutthu ophwanyawe voosiis’ula?”

“Ayo.”

²⁹³ Khwira, “Ahe, mmuruuhe mpaani.” Vano owo khimuruuha ttuutthu mpaani. . . ahiiso khimuruuha maama mpaani.

²⁹⁴ Nto—nto e—mwaana muthiyana a mwene khukhuma khwira, “Munnisuwela waakhapelela aana?”

Owo khwira, “Ayo, omwene anyu.”

Owo khwira, “Nkanweheni mwaan’ola. Owo kahiyo ooreera?”

“Ayo, omwene anyu. Ayo.”

Khwira, “Munnisuwela omwaamwiha mwaana?”

“Ayo, omwena anyu. Vekeekhai.”

²⁹⁵ “Ahe,” awo khwira, “kinimoovahani nlevelo nanyu, itoolare imiya tthaaru khula esumana.” Hum! Muluku khaarenre murima? Ni khwira, “Ni nyuwo murina ikatthi soomalela oreera sa mpaani mwa mwene, ni soolya sanyu munrowa oveleliheriwaka. Khamurina hata okhumaka ni waapeya

soolya sanyu.” Khwira, “Vano, mwaana t’ula va, mukasoope. Muhimmoroxe.”

“Oh, muhixanke, nkinimmoroxa. Muhixanke, nkinimmoroxa.”

“Mmukhapelele enamuna yoomalelaxa oreera.”

²⁹⁶ “Muhixanke, kinoomukhapelela. Onimwaakhela okhapeleliwa woomalela oreera.” Vekeekhai, aari awawe yoowo, moone. “Kinoomukhapelela voomalela oreera saana.”

“Munnimoona wira mwaana ooreera?”

“Ooreera saana,” owo khwira.

“Vaareera.”

²⁹⁷ Mukhora khuwaliwa, ohoolo wa Miriyamu, ni ame awe, ni Moise mwaamukhaani. Nto vawaliwaaya mukhora, owo khuwehaweha mapuro othene. Owo khwira, “Tsk-tsk-tsk! Nto awo anoona wira mwa mwan’aya. Ha-ha-ha-ha-ha!” Oh, wulu! Owo aanimweepesa.

²⁹⁸ Owo iirale exeenii? Owo...Ahaanvaherenrye, exeeni yaarowa wiiraneya? [Muthukumano oniira, “Ompweteya.”—Mol.] Okhala wira, aahimunnnya Ole aanvanhe, nto owo (exeeni?) aahimphwanya, aahiwerya okhalana. Vano exeeni eniiraneya hiyo napweteiwa...Naahivahererye munepa ahu, exeeni eniiraneya? [“Onoonipweteya.”] Onoonipweteya. Nto hiyo namuhokoloxeryaru Ole onivanhe, exeeni enrowa wiiraneya? [“Onookhala wawihu.”] Onookhala wawihu. Eyo ekeekhai?

²⁹⁹ Akavi wa nyuwo othene yaatthuna orwa waltaari n’uvekela? Mwaamutthuna orwa? Mwaamutthuna wira Yesu ookhapeleleni ntoko saakhapelenlyaawe ale, mwanamwane? Sayi...Nrowe othene, anamwane axikhaani, nithukumane waltaari nno vano. Munimoorwa? Murwe, mukokhore waltaari. Nrowe nivekele, othene anyu. Axinamwane othene vano murwe nno naanaano va. Ehoosivelani ehantisi aka ya yeela? [Muthukumano oniira, “Ayo.”—Mol.] Ehoosivelani? Vaareera, vano murwe mukhale waltaari. Vano murwe. Nyuwo axinamwane othene murwe, mukokhore waltaari, mukokhore paahi vaavo vo—waltaari vaavo vo. Ti yeeyo. Othene nyuwo axikhaani ottuli, murwe nno vano, ninrowa ovekela. Vaareera. Nyuwo muntthuna orwa ovekela. Murwe mukokhore waltaari. Ti yeeyo. Vano, eyo ti yooreera. Vaareera.

³⁰⁰ Vano, aximaama, nyuwo munnitthuna orwa, nave, ni axipaapa, nyuwo othene munnitthuna okokhora munvireloni?

³⁰¹ Vano kintthuna kookoheni nyuwo axinamwane etthu emosa va. Nkawehani. Nyuwo munnaamini wira Yesu onnoophentani ntoko saamphentalyaawe Moise? Nyuwo munnaamini wira Malaikha annookhapelelani siisa? Vano, Muluku ohoovahani munepa, khoovanheni? Vano, mwaahivahererye munepa anyu, exeeni enrowa wiiraneya ni yoowo? [Anamwane

aniira, “Onoopweteya.”—Mol.] Onoorowa woopweteyani. Masi mwamuhokoloxeryaru Yesu voosiis’ula, nto enrowa okhala exeeni? [“Ninookhalana.”] Munrowa—munrowa okhalana. Nyuwo muntthuna woopola. Vano muntthuna woopola munepa anyu, kahi siiso? Ni munnitthuna munnuwe mukhale aximaama eekeekhai ni ahano eekeekhani, kahi siiso; ni axilopwana eekeekhai, alaleyi, ni siiso? Khamuntthuna wira yeeyo? Vano, mwaatthunaka vale, weso nvahererye munepa anyu wa Yesu. Ti siiso eniiriwaaya. Mwiire, “Yesu oophentiwa, ela ti yothene kirinaaka wira koovaheni Nyuwo, munepa aka, masi Nyuwo mukikhapelele ntoko saamukhapelenlyaanyu Moise.”

³⁰² Vano, amosa-amosa wa nyuwo atokweene mwaatthuna orwa okokhora, nave, amosa-amosa wa nyuwo aximaama, khino, wira nyuwo muntthuna okokhora va voosiis’ula. Ahe, mootthukuleliwa nyuwo, nave. Mwaatthunaka, murwe, mukokhore va. Ti yooreera. Va ookhala maama mmosa onoorwa ni mwan’awe. Aamukhala-tho mukina?

³⁰³ Tiithi, paapa, khula mmosa a nyuwo, mwaatthuna okhala mutthu a mavekelo ntoko Amerami, mukokhore, nave.

³⁰⁴ Maama, mwaatthuna okhala ntoko Yokepeti, vano, murwe vamosa, mukokhore, nave.

³⁰⁵ Vekeekhai, ti y’atthu othene. Mwaha wa (Exeeni?) mookhalana munepa, nave. Mwaahivahererye, exeeni enrowa wiiraneya? [Muthukumano oniira, “Woopweteyani.”—Mol.] Woopweteyani. Nto mwamuhokoloxeryaru Ole oovanheni, exeeni enrowa wiiraneya? [“Munimooopola.”] Munimooopola, wa Ekumi ehinimala. Ti yeeyo. Vano, khamuntthuna othukumana, othene anyu muntthuna vano, ni ninrowa ovekela n’axikhaani ala, ni hiyo, ni othene vano.

³⁰⁶ Nihiku n’Aximaama, nihiku nooreeraxa. Nto khino ohiy’ula, kinoorukunxa mwaha aka n’urowa ohiy’ula kihimye etthu maama ole iiraly’awe, moota maama ole iiraly’awe. Owo t’amuxuttinhe mwan’awe mwammiravo wira amuhooole Isarayeli othene orowaka muttethe wa natiri. Oh, owo aari maama eekeekhai. Khaari maama eekeekhai? [Anamwane aniira, “Ayo.”—Mol.] Vano, nyuwo murina maama eekeekhai, nave, ni amaama animoovekelelani. Owo aari paapa eekeekhai. Ni apaapa animoovekelelani. Nto vano hiyo othene ninrowa ovekela vamosa nto ninvekele Yesu wira onikhaliherye.

Munna Neville, mwaamuwerya orwa, okokhora ni hiyo?

³⁰⁷ Nto nrowe othene nuuramihe miru sahu, mapuro othene. Vano Munna Gertie... [Mulipa-onooopa epiyaano onooopacerya orumiha *Mwaaruuhe*—Mol.]

³⁰⁸ Tithi Ophentiwa a Wirimu, ehantisi ila, ekhaani yookhweya olelo, enihimya mahiku avinre, vaavo tiithi ni maama eekeekhai, mulipa-oowaamini eekeekhai, jaarwaanse-aya wa Nyuwo ni khookokhorelani Yeenyu. Awo yaahiwaaminini Nyuwo.

Waaikhala oriipiwa murima mulaponi okathi uwo. Ni ninsuwela sayi hiyo wira khokhanle Moise a vano okokhonre va voosiis'ula! Ninsuwela sayi vano wira khokhanle Miriyamu a vano okokhonre va voosiis'ula, nave, profeta muthiyana!

309 O Tithi Oophentiwa, anamwane ala axikhaani annoophentani Nyuwo, ni awo ahoorwa, ekokhora vamwiikimanyo, esuwelaka wira aakhalana munepa onthuna woopoliwa, nto awo anoovahani Nyuwo vano. Tthiri ninoomalaru osoma mwa Masu Anyu, "Woopweteyani, munoophwanya; ni mwaahivahererye, onimooopweteyani." Nto, Tithi, awo khandthuna ohalana munep'aya wa yaawo. Awo khandthuna wiikhalela mmansaya. Awo anthuna woovahani munepa aya Nyuwo, wira, yavaha vale, ephwanye Ekumi Ehinimala. Mwaavahe, mwaavahe, Pwiya.

310 Mwaareerihe amiravo ala othene ni axiruusi waltaari. Mwaareerihe aximaama n'axitiithi ari va voosiis'ula. Oh, mahala Anyu a mphento ni omoriwa ikharari sikhale mwa yaawo othene. Munilevelele, Pwiya, itampi sahu sothene ni soovonya. Mukumihe eretta eriyari ahu.

311 Nveleelihe Malaikha! Aleluya! Muluku, Nyuwo mwaamurumme Kapiriyeli, ni Malaikha ikonto muloko epacerya weetta, Malaikha makavi arwiie okathi awoonaly'aya axinamwane ala oohaawa okokhora waltaari va voosiis'ula! Mapuro othene, waltaari va ni ekerej'ela, ari Malaikha a Muluku. Nlaikha ninlepa niri vaava, nilepaka masina aya Muliivuruni. Awo ampweteiwa munep'aya, wira ewerye ophwanya mwa Kristu! Munivahe, Pwiya.

312 Wira, okhuma olelo, mpakha ohoolo, makhalelo aya ekhaleke oomaaleleya ni oowiiyeviha. Awo ekhalase anamwane oowiiwelela axitiithi aya ni Tithi aya a Wirimu, mpakha nihiku Nyuwo munrowaanyu owiihanela Owaani. Mwaahoole mukalawani mwaya ekhaani, ovira khula eyuupuru. Khula okathi onrowaaya ophara mmirini, Malaikha a Muluku ekakhele othara maasi anikhwalala a mphento wa Muluku. Mwaavahe, Pwiya. Nto wookiseryani wa ephiro, awo ephwanye Etthoko ya mphento, ni amey'aya ni oophentiwa aya iwe Movuwani, weiwo Muluku onrowaawe okhala vamukhora wira owaakhele ni orwa wooreera, nihiku nenlo. Mwaavahe, Tithi.

313 Munilevelele itampi sahu sothene ni soottheka. Ni munikhaliherye okhuma nihiku nla wira nikhale othene Awinyu. Hiyo ninnaavahererya axinamwane ala mmatatani mw'Anyu vano. Ni aximaama ala ni yaawo, Pwiya, wira ekhale aximaama a enamuna yooloka Nihiku nla n'Aximaama, okathi ula wa muupuxeryo anivahiwa aximaama. Ni wira awo, okhuma olelo, ekhale aximaama ooloka. Wira aana ekhale aana ooloka. Wira hiyo othene nikhale ooloka, Pwiya, ni noorumeeleni Nyuwo

vooloka. Munivahe, Tithi, maana hiyo ninvekela mwa Nsina na Yesu. Amen.

Vano nrowe niipe ekooru emosa ekhaani.

³¹⁴ Munnaamini wira Yesu oowoopolani? Muntthuna wira Yesu ookhapelelekeni vano, nvenyaka? Munvenxerye ntata Yoowo, *sa* vano. Kintthuna mwaarukunuwele apaapa ni amaama, ni othene. Murukunuwe *sa*. Vano nwehe nno, maama ni paapa. Nyuwo axiruusi ni aximiravo othene nvenye. Vano, akavi animukupali Yesu okhala Moopoli anyu, ni munrowa omuroromela Yesu okhuma vano mpakha ohoolo, wira ookhapeleleni ntoko Owo saamukhapelenly'awe Moise mwaamukhaani, nrowe noone matat'anyu. Khula mmosa a nyuwo. Ti yooreera! Vano exeeni yiiraneiyee? Mwaahivahererye munepa anyu, exeeni? [Muthukumano oniira, "Onoonipweteya."—Mol.] Onimooopweteyani. Masi mwanvaha Yesu, exeeni enrowa wiiraneya? ["Ninookhalana."] Munookhalana. Vano, ankhi Yesu ookhalanani nyuwo naanaano va voosisi'ula? Nto nyuwo mwa a Yesu vano, khamuhiyo? Nyuwo mwa mmiravo ni mwaaruusi a Yesu.

³¹⁵ Nkaaweheni axinamwane ala yeemenlanse va ni maithori. Munakileela wira Muluku khonsuwela eyo? Amen. Alopwana n'athiyana a meelo! Nvenye.

Mwaakumihe vapuwani v'etampi;
Mwaaruuhe, mwaaruuhe,
Mwaaruuhe axikhaani wa Yesu.

Oh, Moota onimphent'aka Yesu, vano nrowe!

Oh,

Othene anyu.

. . .moota onimphent'aka Yesu,

Nvenxe matata vano.

Oh, moota onimphent'aka Yesu,
Oh, moota onimphent'aka Yesu,
Okhala wira Owo t'opacenrye okiphenta.

³¹⁶ Kahi yooreera yeeyo? Vano, *Yesu Onnaaphenta Axinamwane A Molumwenkuni*. Munirumihele, munna. Vano nyuwo othene epantt'ila nno, mukirukunuwele miyo, nyuwo axiruusi axikhaani. Kintthuna kiipe *Yesu Onnaaphenta Axinamwane A Molumwenkuni*. Akavi ansuwela? Vaareera, nrowe niipe vano.

Yesu onnaaphenta axinamwane,
Axinamwane othene a molumwenkuni;
Ooxeerya ni a ncano, ooriipa ni ootteela, awo
t'oreeraxa vamaithoni Vawe,
Yesu onnaaphenta axinamwane a
molumwenkuni.

³¹⁷ Vano, othene anyu muri mmuttitthini mwa anakhotto vano. Mwaahisuwela yeeyo? Mwaahisuwela wira muri mmuttitthini mwa anakhotto a Muluku? Vano, nyuwo mukiwehe miyo vano. Nto mwiipe nla ni miyo vano, okhala wira nyuwo mwa anakhotto vano. Moosuwela yeeyo? Anakhotto a vamwiikimanyo! Vano, *Miyo Pooti Ohitoko Weetta*. . . Munnisuwela nenlo? Vaareera. Vaareera, woovira okathi munci-ene, nsipo na khalayi kiixuttalyaaka oxikola ya Ttiminku.

Miyo pooti ohi. . .

Vano nyuwo, ni miyo vano. [Munna Branham onniittikinya aipaka *Kiri Mmuttitthini Mwa Anakhotto A APwiya*—Mol.]

Miyo pooti ohitoko weetta munfantariiya,
Weettiha ekhavallo okhavaloni, woopela
w'artilariiya;
Pooti ohitoko ovava vasulu va nwanani,
Masi kiri mmuttitthini mw'anakhotto a
Apwiya.

Kiri mmuttitthini mw'anakhotto a Apwiya,
Oh, kiri mmuttitthini mw'anakhotto a Apwiya!

Murwe ni miyo vano. Othene vamosa vano. Vano!

Miyo pooti ohitoko weetta munfantariiya,
Weettiha ekhavallo okhavaloni, woopela
w'artilariiya;
Miyo pooti ohitoko ovava vasulu va nwanani,
Masi kiri mmuttitthini mw'anakhotto a
Apwiya.

³¹⁸ Munoona wira munoowerya wiipa nenlo meekh'inyu? Rwaakani va, mwaaruusi, welakani va. Vano kintthuna wira othene anyu mwiittikinyeke ntoko siniiraaka. Murukurerye, wiithela w'altaari nno, vano. Nwele va. Khula mmosa a nyuwo, murwe mpakha va varyaaka, moone. Mweette vasulu va; ahikhale onkhala ota w'altaari. Murwe va ni miyo. Ti yeeyo. Ekeekhai. Siisa sa. Vano murukunuwe sa, nweheke muthukumano ola, sa. Yeeyo. Kintthuna kiwooniheni etthu aniira aximiravo ni axiruusi oophenteya vammalaaya omusuwela Yesu. Vano, murwe ottuli nno, aximiravo n'axiruusi. Vano nyuwo mwa. . . Ti yeeyo. Vano nwehe iwe.

³¹⁹ Vano kaairaka, "Miyo pooti ohitoko weetta mmuttitthini mwa anakhotto," nyuwo. . . "weetta munfantariiya," ni nyuwo, mweetteke. Kaairaka, "Pooti ohitoko weettiha ekhavallo okhavaloni," mwiireke itthu imosaru siniiraaka. Vano mukhale ottuli mukirakamele, ottuli saana vano, mukhalihaka opuro. Ottuli saana, otuuli saana, vano moolikana. Vano nrowe, nrowe niipe. [Munna Branham ni anamwane animwiittikinya yiipaka—Mol.]

Miyo pooti ohitoko weetta munfantariiya,
 (Nwehe!)
 Weettiha ekhavallo okhavaloni, woopela
 w'artilyariiya;
 Miyo pooti ohitoko ovava vasulu va nwanani,
 Masi kiri mmuttitthini mw'anakhotto a
 Apwiya.

Oh, kiri mmuttitthini mw'anakhotto a Apwiya,
 Kiri mmuttitthini mw'anakhotto a Apwiya!
 (Oolikana!)

Miyo pooti ohitoko weetta munfantariiya,
 Weettiha ekhavallo okhavaloni, woopela
 w'artilyariiya;
 Miyo pooti ohitoko ovava vasulu va nwanani,
 Masi kiri mmuttitthini mw'anakhotto a
 Apwiya.

320 Amen! Mweemele. Akavi naasivenle nenlo? Mwiire, "Amen."

321 Vano, Tithi a Wirimu, mwaareerihe axinamwane ala olelo. Awo t'Awinyu, Pwiya. Awo aavahererya ekumi aya wa Nyuwo. Awo ahiwa ehantisi yaamukhaani ya Moise ni moota Nyuwo mwaamukhapelenlyaanyu. Awo ahiwa sa maama ooreera murima ni paapa ooreera murima yaakhaliherrye ni owiixuttiha. Nto axinamwane ala aakhalanasa aximaama ni axipaapa ooreera murima. Nto miyo kinvekela, Tithi, wira Nyuwo mwaasuke ni nweettiherye moovirani w'okathi, ni wira Malaikha a Muluku yaakhapelele. Nvahe . . . Vano nto mukhale okerekhere wo waakhela, wira nwaakhele mahiku ookiserya, Pwiya, Momweneni mw'Anyu. Hiyo ninvekela mwa Nsina na Kristu. Amen.

322 Vano mutthikeleke mmapuroni mwanyu ni mwaaleele apaapa ni amaama moota munoon'anyu oreera. Amen.

323 "Mahiku othene a mooweettani mwaya awo yaaheettiheriwa." (Munnimusuwela nlo, nave?)

. . . a mooweettani mwaya yaaheettiheriwa,
 Mmuttettheni wa natiri awo yaaheettiheriwa;
 Ni ntata n'Apwiya yeettihiwaka voolipa,
 Yaahiroihiwa ophareya ya oKanani.

Atthu othene!

Ekanyeryo ya mooro ohiyu,
 Ni ekanyeryo ya neeku othana,
 Eryeene vasulu, ohoolo wene,
 Yeetaka mukwaha ephiro ahu,

Muhooli ni mukhulupale enookhala,
 Mpakha ethako ohala ottuli,
 Tthiri Apwiya, Muluku ahu, m'okathi Aya
 wootthuneya
 Anooneettiherya moowaaryani vookiseryani.

³²⁴ Akavi anwereiwa voosiis'ula ni antthuna mavekelo? Nrowe noone ntata nanyu. Okhalaka wira nooxeleliwa vakhani, khino ninteerye muteko ahu wo ovoniha mpakha olelo ohiyu, nto nivahererye nuulumo na mavekelo vano, okhala wira nooxeleliwa vakhani.

³²⁵ Ehoosivelani ehantisi iyo yaamukhaani? [Muthukumano oniira, "Amen!"—Mol.] Munona wira yaari yooreera wa axinamwane? ["Amen!"] Ayo. Hiyo—hiyo ninnaahiya imaara sinci-ene. Nihireke siiso. Moone, nkinkhalanaka okathi wo wiixuttiha exikola ya Ttiminku, nto voosiis'ula waari okathi w'olavula n'awo. Nkaatthuna owoceihani, masi kaatthuna wootharihelani ehantisi ila yaamukhaani.

³²⁶ Muupuwele, axinamwane, eyo kehiyo ehantisi yaamukhaani ya khalayi musomme-anyu nipuro nlo. Eyo Ekeekhaii. Eyo Ekeekhaii! Muluku ohiira eyo. Ni Owo ori ni *nyuwo* vano. Vaareera.

³²⁷ Nrowe nuuramihe miru sahu vano okathi oniip'ahu nsipo nahu n'olaxeryana, murima-murima, "Mukuxe Nsina na Yesu ni nyuwo, ntoko mwakiheryo wa khula nwanani." Vaareera.

Mukuxe Nsina na Yesu ni nyuwo,
 Mwaana ooxanka ni a mukacamiho.



WILXUTTIHA MWAHA WA MOISE EMK56-0513
(Teaching On Moses)

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku voosiisu, mahiku yeettaka 13 mweeri wa Maio, 1956, oBranham Tabernacle oJeffersonville, Indiana, wAmerika, okuxiwe wo okaravariwa mufitani ya makineti khulempwa wothene ni nntaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org